

蒲圻縣志

鄉里



一 縣者鄉里之積也猶天下者郡國之積爾矣後漢書志郡國志一統也蒲圻一縣四鄉三十里四十四團今依郡國而約編之並仿常璩巴蜀各志又畧加增飾名山異產風俗社倉橋道並隸焉至戶口川流則分隸賦役溝洫不復收我朝累洽重熙閭閻遵

道觀於鄉而可知也志鄉里

蒲圻縣鄉四團四十四

城內置城廂團

東鄉

易出乎震震者東方

之卦萬物之始也故城內冠之

有南懃團

以舖名

有荆沙團

以荆泉沙田名

有土橋團

蒲圻縣志卷四 鄉里

以橋名

有石坑團

以渡名

有洋泉團

以山名

有雙坵團

有大貴團

有占崙團

以詹家崙舖名

有官塘團

以驛名

有河泗團

以橋名

南鄉對

相尅流行相生故南次之

有大田團

有白石團

以山名

有來山團

以舖名 有

峽山團

以山名

有馬坵團

以嶺名

有楊林團

故產楊

有新興團

有新店團

以河名

有城西團

以太平城名

有港口團

以驛名

有洪石

團 西鄉白蕪團故產蕪

有官田團

有蕭橋團

以橋名

有

斗門團

有車埠團

以故筒車埠名

有白駒團

以橋名

有黃土團

以潭名

有楓橋團

以橋名

有龍坑團

以湖名

有小柏團

以山名

有洪山

故龍柏

團

以山名 北鄉有清樂園

有黃龍團

以潭名

有劈精團

以廟名

有

方橋團

以橋名

有上寺團

以橋名

有安豐團

有坪下團

有池

江團

有馬獅團

以湖名

有郭連團

有官橋團

以橋名

里三十 有一七都上 有一七都下 有二四都 有上
 三都 有下三都 有五都 有六八都 有九都 有十
 都 有十一三都 有十四都上 有十四都下 有十五
 都 有十六都 有十八都上 有十八都下 有十九都
 上 有十九都下 有二十三四五都上 有二十三四五
 都下 有二十六都 有二十七都 有上三十都上 有
 上三十都下 有下三十都上 有下三十都下 有三十
 二四都上 有三十二四都下 有市上 有市下

團說

團者何也韻會訓曰聚隋書禮儀志騎兵三十爲團團
 有偏將一人唐書兵志三百人爲團團有校尉宋史元

蒲圻縣志卷四 鄉里

豐元年修開封府界保甲勅成書上之三年詔立團教
 法以大保長爲教頭教保丁凡一都保相近者分爲五
 團卽本團副都保正所居空地聚教之蒲邑自孫吳置
 縣呂岱屯西良魯肅屯陸口碁交星布皆屯地正韻屯
 聚同團邑舊有三鄉西南吉陽鄉統七里東北長樂鄉
 統二里西南沙陽鄉統四里宋元祐初以長樂益咸寧
 明洪武中分爲四十三里永樂十年併爲三十八里宣
 德七年併爲三十里嘉靖間編置稍殊萬歷間仍宣德
 國朝曰之增爲四十四團統於四鄉康熙間續修邑志通
 改團爲鄉較前鄉數且十之殆非古法而鄉民至今稱
 團不改故仍志團

閩縣



里說

漢世十里一亭亭有長東漢志有里魁北魏李沖上言
 宜準古五鄰立一里長明洪武二十七年設里老

朝制百一十戶為里里統十甲為一圖甲繫於里里繫於鄉
 蒲圻不然人編數戶分繫數里而鄉地不得而繫之原
 其故始患官司之橫暴而率為畸零其後豪猾之戶利
 亦利其弊而甚之而舊藉蕩然矣常欲令各鄉田著為
 魚鱗細冊坐圖還糧而應者皆有難色豈知此冊成而
 諸弊可除里制可復保甲可行盜風息而訟獄衰其利
 為無窮哉今三十里總著於篇并為之說以俟之

蒲圻縣志卷四 鄉里



風俗

火耕水耨民食魚稻果蠶贏蛤良物常足故嗇窳偷生而無積聚飲食還給不憂凍餒 漢書地利志 人多勁

悍次裂 隋志

士子以文辭相尚有六朝舊體

宋柳拱

辰郡守題名記

鄂俗計利而尚鬼病者不藥而聽於

巫 宋劉清之傳

正月一日鷄鳴起於庭前爆竹以辟

山臊長幼悉正衣冠以次拜賀 正月十五其夕迎紫

姑以卜蠶桑并占衆事 三月三日士民出江渚池沼

閒爲陳杯曲水之飲 四月有鳥名獲穀其名自呼農

人候此鳥犁杷上岍 五月五日採艾爲人懸門戶上

以禳毒氣是日競渡採雜藥 七月七夕牽牛織女會

婦女結綵樓穿七孔鍼陳瓜果於庭中以乞巧 七月

十五日僧尼道悉營盆供諸佛 九月九日四民並籍

野飲晏 歲暮家家具肴簋詣宿歲之位以迎新年相

聚酣飲 荆楚歲時記 岳鄂間田野小人例只養二男

一女過此輒殺之尤諱養女以故民間少女多鰥夫初

生女輒以水浸殺其父母亦不忍率常閉目背面以手

按之水盆中伊嚶良久乃死 東坡集 俗尚質樸不事

繁華 一統志 蒲為鄂之壯邑居郡上流山川清淑科

第代不乏人 總志 武弛文張民日趨於禮樂之域 元

明善武昌路學記 蒲圻負山帶河湖坡內匯外為長

堤其俗昔儉而今奢昔訥而今囂昔等威而今集集然

蒲圻縣志卷四 鄉里 五

而戶尚詩書士安誦讀 武昌府志 田里小民半習攻

木遊藝四方尚血性事親病多割股

李 標詩附蒲土由來瘠蒲民自昔闡桑麻全不稅山

澤半於田樂歲供三月謀生及四川近來王事急還上

洞庭船

周順倜蓴川竹枝詞附三月春風長嫩芽村莊少婦解

當家殘燈未掩黃梁熟枕畔呼郎起採茶 茶鄉生計

卽山農壓作方磚白紙封別有紅箋書小字西商監製

自芙蓉 每歲西客於羊樓司羊樓洞買茶其磚茶用白

紙緘封外粘紅紙有本號監製仙山各茶等語 芙蓉山 六水三山却少田生涯強半在西川錦官城裏

花如許知誤春閨幾少年 艮思堂詩集

知縣勞光泰兩婦篇并序附甲午秋有城內徐生名以潤病既劇其妾秦氏割肘肉和湯以進徐遂愈又聞上年有胡傑煌妻周氏以姑馬氏病亦割右臂和藥姑旋愈既爲匾額以表用作詩紀之名兩婦篇

療親自剜剔丈夫古有之何爲兩巾幗乃在今蒲圻一爲胡孝婦一爲徐淑姬姬小生西蜀昔來二八期事徐十六載忽焉徐病危夫在甘苦辛夫妃將安依妾聞古孝子和藥剝膚肌妾身皆夫有妾月爲夫炊拭刀候鼎沸掩淚防人知引臂盡一割夜半鐙寒時長跪遞夫前烹煎妾所私飲罷躍然起室內驚且疑問藥爾何來但見血濺衣鄰里走相告縣尹爲嗟咨答言去年秋胡婦

蒲圻縣志卷四 鄉里

六

同此奇少徐十一載病姑六十衰亦嘗進一甌亦既名一醫再歲事再見鬼神重甕持蒲圻古沙羨山水含清暉傑士間世出巾幗已有茲何必是丈夫行成名則垂激揚有微柄要使風俗移用特賡此篇比並孝娥碑菑畚說附蒲圻多山而爲田長陰寒又畏旱久雨輒復過水故麥少收宜種三稻早稻六月熟遲稻七月熟晚稻八九月熟皆以石灰糞之使暖早稻與遲稻同時播種而惟遲稻備歷炎暑多養一月倍結實故收獨豐種者十之八焉然苟六月不雨收亦歉一也至田家所食惟薯芋薯謂之茗種山上芋則擇良田種之稻以供租稅若非實祭必不食之也

城內距府東南三百里 有六門有八舖十七坊南興賢坊

阜俗坊仙遊坊仁美坊使星坊甘露坊東澄清坊積慶坊育

才坊西梅隱坊登瀛坊忠信坊忠孝坊左沙陽保障坊右巖

騰蛟起鳳坊勅建坊四十七 學士坊魏觀 宮允坊王愷

擢秀坊王文 傳桂坊龍霖 聯桂坊廖俊 折桂坊余禎 攀桂坊

黃鉞 桂林坊王瑩 登雲坊梅瑄 程鏞 登第坊李溥 廖 登俊坊

周鑑 登科坊石鈞 進士坊盧中 魏銘注洪 解元坊作瑜 父子

進士坊作紳 父子侍御坊謝三 賓興坊宋奎 賓賢坊廖清 飛

騰坊王璧 飛鶚坊黃頤 蜚英坊徐澄 鍾英坊劉滄 文魁坊朱

建 文奎坊王塗 鵬舉坊孫暹 柱史坊鄭之 三鳳坊鄭宗 儒李

建 三麟坊魏頌 魏溶 繡衣坊龔晟 青雲得路坊龔 辰金榜題

名坊龔晟會魁坊廖道 太史坊廖道 世美坊廖佐 世聯魁壁

坊廖漢 龍門世躍坊江晟 司馬坊謝存 褒封三代欽使存問

坊謝鵬 兄弟進士坊謝師 三世侍郎總督部院坊魏說 縣署

故鳳山監唐武德九年置通志詳 有夏雨軒道光十六年知

有紫竹墳故紫竹坡有石筍 學宮在金疊山東通志山在

紫鳳凰兩山層疊 雙乳石在金 有長壽觀康熙庚午 有純陽

祠邑人陳樹 有楚志樓魏裳居 疊秀山一曰射圃嶺通志

南屈曲而來為梅隱岡金臺岡迴龍岡雲盤岡跨維而出循

河而止有澗澗不盡之致按舊志明洪武中縣丞王崗建觀

德亭於 有延壽寺府志唐永正中僧威公建有藏經 鄭家嶺

故梅師岡或曰梅隱岡 金臺岡有觀通志唐貞觀中掘土

觀音閣在郭南邑人黃 有水月閣嘉慶中僧 有浮橋在北門

蒲圻縣志卷四 鄉里 城廂

河舊志明正德元年知縣倪斯蕙三十五年知縣汪有功三十八

廂城




蒲圻縣志卷四

鄉里 城廂

二

年署縣葉文懋四十年知縣張光前崇禎三年知縣林增志
 康熙九年知縣張圻隆重修祠是照糧出費三年一修乾隆
 三年知縣王雲翔捐俸重修不派里民另設渡船二隻以備
 水漲太平寺僧遠範施田九石作渡工飯食及造船之費乾
 隆丁丑年王良聰之妻余氏同子婦寶國妻馬氏捐田拾石
 零七升呈券縣官收租以作修葺浮橋之資王余氏捐田有
 橋長司之田至今尚存惟僧所捐田仍歸該寺經管致彼盜
 賣道光十六年清出楊泉黃泥庄田三石三斗又一石六斗
 三升東港田五斗潮泉畝田一石八斗金
 泉三斗萬壽橋一斗五升仍立渡長經管



蒲圻縣志卷四

鄉里

城廂

三

存問謝鵬舉謝恩表附原任南京都察院右都御史致

仕臣謝鵬舉為恭謝 天恩事茲者恭遇 皇上

以 皇孫誕生尊上 慈聖宣文明肅貞壽端獻恭

熹皇太后徽號 詔告天下因而推 恩在籍舊臣如

臣 鄙陋亦在 詔書條款文官二品致仕年九十以上

差官存問之列 臣 原籍湖廣武昌府蒲圻縣人本年九

月十一日據蒲圻縣官吏奉院司道府勘劄行 臣 知會

臣 聞 命自天措躬無地伏思存問乃 朝廷之盛典

臣子之至榮也 臣 犬馬之齒雖踰九旬然樗櫟之才素

無樹立雖小廉曲謹會蒙獎賞蓋皆臣子職分之常何

至損辱 朝命至此哉是以戰兢惕厲寢食不安跼蹐

徬徨罔知所措也至十二月二十三日該 欽差禮部
主事袁宏道賞捧 詔書到 臣又該本縣知縣汪有功
備辦綵幣羊酒一同到驛該 臣具服扶掖出城迎接到
家 臣萬感涕零汗流浹踵焚香叩頭祇領望 闕恭謝
外伏念 臣一介草茅竊祿十八年遷轉一十三次徒荷
皇上天地高厚之 恩未效狗馬馳驅涓埃之報
愆尤日積瘵曠日深伏蒙 聖恩容 臣致仕自萬歷

庚辰回籍迄今又二十八年衰病之軀苟延九十歲獨
幸歸田之後際遇太平河清海晏盜息民安雖間值凶
荒蒙 恩賤恤雖大工鼎建額賦未加雖地方豐孽稍
萌隨即撲滅 臣雖跼伏林泉如在春臺玉燭每蚤夜自

蒲圻縣志卷四

鄉里

城廂

四

思以爲遭逢若此即旦暮風燭老有所終可以含笑入
地矣詎意濱死之年復又欣逢慶典普天戴德率土騰
歡日月偏照乎溝渠雨露不遺乎枯朽况 臣已廢棄多
年又遠在江湖之外乃亦蒙遣官存問之恩辱綵幣多
儀之賜山川震耀蓬華生輝此又 臣分量之所難勝夢
想之所不及者也是以使 臣入境通邑父老子弟遠近
走集夾道聚觀莫不舉手加額以爲邑中二百年來僅
此一見不知 臣何修而蒙此殊 恩於垂斃之日也此
臣所以聞 命自天震驚無地萬感涕零罔知所措顧
臣衰朽龍鐘朝暮人世神魂已逝軀殼徒存安能啣環
結草以酬萬一之報哉苟一息尙存惟有日夕焚香祝

聖壽萬年與天無極子孫萬億應地無疆而已臣

感激

天恩爲此具本專差

孫

男生員謝堂抱贖赴

闕奏謝胥干

威嚴

臣

無任戰慄恐懼之至謹具

奏謝以聞

馬練重建北河浮橋記

附截

蒲川有渡在縣治之北當驛

路之衝川之源濬於通而其流經於雋駛且深先時嘗

濟以舟舟不勝載墮溺隨之宏治末蒲丞泰典焦君始

作浮橋冀可繼而可久也正德辛未臨海蔡公以督學

按此興爾旣廢而宏大其規嘉靖丁未南海崔公以進

士尹此新爾再敝而協濟其美邦人至今誦其德不置

嗣之有司視簿書覲官資不給又遑恤此哉於是奔渡

蒲圻縣志卷四

鄉里

城廂

五

爭先覆舟相跡甚至一日而溺及三十人死者固遇而

生者坐視其變不爲之所亦何忍也乃幸我劉源泉公

來式茲土夏中而署厥篆秋旣而成厥梁籍舟三十虹

亘櫛比維以鐵組護以周楯置守者防其觸稜而時其

歛放兩岸樹有坊北阜構有亭不惟民得履坦免爲魚

鱉而山若劃而增明水若瀕而增妍是誠蒲之壯觀也

邑士大夫民父老慶幸而相賀曰其涉川偉績乎夫拯

溺濟人務孰先是費鉅工殷事孰難是急其所先先其

所難不沮不撓不猛不却此可以觀誠夫必鳩工必庀

材必乘時時以掄材材不廢材以聚工工不弛工以趨

時時不妨此可以觀才用人公董役者勸察奸明股削

者俱親往規督情者奮頑者良歎而隱者毋或逞此可
以觀政夫道仁義而已矣仁義之發和於事宜於民橋
蓋宜民之謂也

魏 裳濟美橋賦附歲在著雍辰次涪灘月臨仲呂日
旋離南肆我濟川君橋六水拯民艱爰有句廉逸翁方
壺仙子胥與驟白螭駕元鯨萍赤馬之清流躡龍翔之
碧岑訪窪尊之往蹟颺紫虛之幽芬放浩歌于岌業挹
瑞藹于空冥句廉翁曰粵稽邃渾澤溢九濱河圖效乾
洛書流坤陽侯舒靈于島嶼力墨貢技于滄溟時則有
若乘龍之聖陟荆嶺而抵天津姬運肇啟敷德閔休川
祇錫美海若呈幽燭夜光于跳沫燦明月于蜃樓時則

有若釣璜之叟載後車而鳴蒼球交劉嗣祚霏英蔚華
郎官澄練東井緋霞嘉士沉幾于授履神人韜采于星
槎時則有若乘駟之儒含珠玉而闡奇葩晉陽紹統鳳
翥蛟翔昆鄰濯異咸池浴光陸子擊廻湍而厲志羅公
擲柱杖而徜徉時則有若酌泉之彥甘冰蘖而漱瑤芳
神君濬有熊之璿源沛尙父之膏澤渙司馬之懿文操
隱之之奇節乃茲懋績于斯橋也不有媿美于若人者
乎濟川君曰子之言古也非今也方壺子曰吾聞曲阿
朏明衡陽熙燠榮若華于崦嵫爛扶英於蒙谷乃有飛
沙走石風馳電逐宛雲龍之夭矯架仙梁於海屋繫若
望舒營魄織阿晰靈挽倒景於桑榆炳宵耀于西冥乃

有霓裳舞列羽衣遐征掩精光而奪目恍銀橋於廣庭
粵若雲英之過符合纒連晨餐沆瀣夕奏鈞天阿母發
瑤川而獨運青童馭寶婺以爭妍酌元霜兮清雋神嘉
會兮泰元亦若廣陵之景流丹沈寥浣衣星瀦滌玉雲
濤肆神珠之弄藥暫玉田之生苗通元極兮無垠陳燈
火兮逍遙神君旭海岱之青陽萃巨闕之灝氣昭雲英
之貞符顯廣陵之嘉際乃茲赫靈於斯橋也不有潛達
於至理者乎濟川若日子之言物也非我也於是句廉
翁方壺子莞然而笑喟然而嘆曰噫嘻天乎吾闢孰握
其扁地乎吾翁孰測其貞何道非古何古非今何物非
我何我非神乃若利涉之淵也其水則三山源淨龍潭

湍灤上黃滙流壺頭渙文宣父涖川而興嘆孺子濯纓
而怡神若君子之遠學思淵泉其靜淡其澗則馮彝艷
日江妃麗霞姚黃芬馥魏紫交加挺挺乎彭澤之柳灼
灼乎河陽之花若至人之育物恩浩蕩以無涯其下則
隋珠含珍和璞澄輝蜃珧綴玉驪龍示璣符公興蘭陵
之詠雍伯顯天授之奇若髦士之摘藻照太乙之青藜
其上則屬玉棲煙珍禽鬱翠止者忘機飛者奮翼振蜚
聲於重泉播鴻勳於孝義若懿政之懷思擁行車于非
類乃茲厥功之成也經始兮則痼瘵而裹軫念而人弔
伍子于胥濤泣三閭於湘魂裁制兮則官無攸費民無
攸厲廓孟津之嘉謀敷刺史之康濟襄猷兮則富者捐

賢能者効勤邁趙老之鴻績廸楊令之忠貞樹烈兮則
山靈顯瑞河伯降祥詠垂虹於南極昭遺愛于洛陽若
夫危樓拱北結構康莊厥覆兢兢厥基堂堂東枕豐財
西連蒲岡南眺金紫北望龍翔沉桂虛涵乎天日黃龍
蕩漾乎星芒鳴宮商于鼓笛滙峻彩于西良豁江山之
一覽傳美惠於無疆在昔包公振揚風紀拯茲黔黎錫
之繁祉爰有焦賢矢志贊理險阻旣彝流光青史粵若
蔡公宣化茲土奠麗輯和貞石不朽爰及張侯憂勤綏
撫德化旁敷人獲我所神君紹貞栢之遐軌嗣鰲禁之
徽音淬景倩之鋒鏑負紫芝之奇珍乃橋斯域而濟厥
美也不將視古今於一息胥物我於兩忘矣乎言畢句

廉翁歌曰三變兮恢恢九嶷兮巍巍於嗟拱北兮雲漢
昭回方壺子亦歌曰陽曲兮汪汪渤澥兮湯湯於嗟濟
美兮江漢悠長濟川子齊載歌曰拱辰獨峙兮鳳山之
陽作德高明兮長發其祥於嗟此心兮永無負於明良
王世貞譔魏 裳外傳附魏裳字順甫從仲爰遊太學
則已讀周禮左氏國語及唐李杜名家言矣居恒謂生
當以三尺素豪于古人間安能吾伊學官語耶十六試
諸生高等是時廖太史鳴吾家居觴諸生而太史雅自
負博而辨又貴倨也所引說經史連柱諸生中獨裳避
席奏對不窮又所請益時時出其表太史自失曰何物
少年乃爾足三冬耶諸生亦大喜謂阿游胡渠使五鹿

少府折角也蓋又十餘年而舉鄉試又四年而成進士授刑部山西司主事請急歸復守故官始與王元美及李於鱗輩遊而好爲古文詞裳自以才不稱諸子益自刻苦晝從曹中治司空城旦小間卽開卷非夜分弗釋也而會母李恭人疾裳廢寢食而侍者月餘搏頰顙天者無數以是亦羸困而李恭人竟不起裳痛哭不欲生一夕亦絕旦而蘇時同年李師孟吳明卿視之裳張目曰得從先恭人地下無恨以後事累二子二子曰咄嗟不有而翁在耶裳乃稍稍就粥飲杖而起服除當補官三月餘不報人或謂裳不當有所造請耶裳笑曰我一款段馬不數步而僵且歸矣亦不知何門可造請久之

蒲圻縣志卷四

鄉里

城廂

九

復補山西司裳凡三爲其司主事同舍郎皆後進据其上而其于推案文法無害咸拱手矣已稍遷員外郎郎中最後爲濟南知府時于鱗已棄官里居一切謝客裳三及門而不見以一蒼頭報謝人或謂曰與若部民胡倨也裳益往候之于鱗不自得乃出飲談詩甚懽裳性高簡亡所過從所過從必于鱗卽非于鱗亦無他客也以是竟其任時或謂裳文章士心易之然其爲刑部甫蒞事而寬大同叅議獄爭于其長及執政莫能難也決大獄江左營其情稍有間者卽爲讞語著于牘以授御史故于守濟南益敏練有聲是時寇蜂起齊魯間裳畫策誘誅其渠率數人而散其黨使歸耕曰汝第爲善不

汝讓也所屬邑獨章丘腴而其人最苦徭賦則皆爲
所侵裳奮身往悉逮豪寘之理于是伏田盡出而小戶
大要得足食無困徭矣于是裳以最滿遷爲山西按察
司副使分巡冀南道裳爲濟南三歲所得臺史薦凡六
最後一不當其意竟以指摘去副使歸久之有外艱而
其毀加于哭李恭人時汪伯玉鎮楚念欲構楚史不就
亡能當之者以聘裳旣服除乃卽家開局集諸魁邑博
士掌故手裁定之而先上其草伯玉伯玉讀敘傳雜論
而喜曰班荀儔也所爲楚史凡七十六卷數十萬言而
是時楚人何某亦爲楚史成俱上之臺或言二史當合
者裳意不憚曰五色有可合也者而淄白不可合也毋

蒲圻縣志卷四

鄉里

城廂

十

已則寧篋吾史乎及裳疾所繇心血耗則以楚史故旣
屬續謂其次子彬如曰數盡矣夫吾詩與文孰傳哉其
屬之元美遂瞑得年五十八裳爲人溫溫長者湛于濂
洛之學志在力行而性特介于取予辨毫髮不苟所善
如于鱗明卿及吳興徐子與裳皆兄事之所最莊事于
鱗裳所習自經典性理子史諸天官卜筮龜策地理家
言靡不精究其詩最善近體沈鬱勁壯有河朔風于文
尤精刻削法森森立不以藻競夫治飾贍辭侈靡爲市
門粧者見裳可愧死已著有雲山堂集子樸如中嘉靖
辛酉鄉試官至徵江守次子彬如萬歷壬辰歲薦官未
陽教諭孫說中萬歷戊戌進士官戶部侍郎裳以孫說

贈如其官

袁宏道奉使存問詩附一行旌節萬人從爭看前朝老

臥龍杞梓榎楠俱朽盡就中畱得兩高松公號松屏畢鏘號松坡是

年存問
二公

謝公伯子京兆君時年七十趨走膝下有若稚子凡

謝公拜起俯仰皆京兆君扶之

碧瞳紅頰照霜明尙父前頭倚杖行七十老翁猶膝下

為人爭不羨爲兄

知縣吳本固縣署後樂堂詩附雪色搖銀海葦川恍練

川溪流冰鑑合巖樹水晶懸野老尋歸徑漁翁罷釣船

顧瞻堪入畫應喜兆豐年

蒲圻縣志卷四 鄉里 城廂

十一

黎公弁石笋詩附山骨如龍形觸地露雙角纖纖茁笋

芽苔班斲錦籜扣之玉長鳴其聲清以越誰知貞白姿

肯爲風霜落

廖 漢石笋詩附我有雌雄劍寶匣藏精光儵然震雷

電化作雙龍翔神氣燭地靈突立石勢剛貞節永不改

昭文遠彌彰伊昔媯皇遺補天五色章至今雲錦成斗

牛星輝揚請君看雙石萬古流禎祥

廖 俊廻龍岡詩附緬惟龍岡勝疊秀佳山水水繞桃

溪紅山映葦川紫樓臺金碧間城郭丹青裏幽色日夕

佳天翠聯霞綺觸石膚寸雲夭矯神龍起霖雨滿商巖

霑渥均遐邇吾當慰山靈援筆磨崖紀

何景明

信陽州人

北河渡詩附向晚蒲圻渡遙聞鷄犬喧斜
光入深巷疎雨過閉門縣市渾依水人煙只類村蕭條
燈火夕沽酒共誰論

知縣勞光泰紫竹墳詩并序附墳在縣署西廳之西漢
御史中丞駱瀚墓舊志未晰注但言歐駱父老按歐遷
蒲在建置鳳山監之後既置監不應復有墳駱遷蒲在
未設鳳山監之先故當以墳屬駱特作詩表之詩曰墳
前紫竹枝不改建安時藏者中丞瀚休將疑豕疑
教諭陶英鴻詩馬鬣從今識漢官衙西徙倚復盤桓依
然紫竹留清影只有時平異建安

訓導吳直鈞詩中丞辭漢歸小築鳳山屋身後墳亦芳

蒲圻縣志

卷四

鄉里

城廂

十二

千年有紫竹
令君今南海

竹繞衙廳西莫識中丞在椽筆樹清標


陳樹賢坐水月閣詩附城郭人烟抱碧流望中飛閣與
雲浮綠溪盡處行誰到幾個漁郎夜拍舟 黃鵠磯頭

水接天移來光景畫欄前好將一曲梅花笛吹入塵途
醒客眠

賀斐觀北門浮橋詩附盈盈一水漲晴河幾度臨流喚
奈何錦纜自牽青雀舫紅橋偏穩白鷗波舳舻接擬連
環妙輻輳來如折葦過依樣周行平似砥勝他溱洧濟
人多 剗造人曾矢柏舟依然砥柱向中流填河志不

隨精衛阻

客風知恨石尤止水情懷勞結構澄波心事尚勾留月明水靜寒烟鎖惆悵靈魂古渡頭



蒲圻縣志卷

鄉里 南勳

二

知縣林增志築河北砂子嶺長堤記附載蒲邑隸鄂而踞
 上游介在山水之間巖疆也亦澤國也道故孔燕吳浙
 粵滇貴楚蜀之達達焉郭外河北驛路一帶地瀕礮道
 二雋湯湯合流所徑當春夏之際千巖萬壑復鬱沸迸
 騰而出勢橫流溢窪者溼而高者嚙逮潦盡砂石縱擁
 衡蹶閔輪妨蹠難于托足為賓旅病入達周行壞若鼪
 徑鹿場本縣業自至止寓日賦焉詢所自地咸謂築砌
 經費不貲在官無額修公羨之編在民鈔樹義布埒之
 倡因循所自來矣昔單子聘楚逕陳陳以道第譏焉此
 固守土者責也可復因循是玩乎時急於港口與梁之
 役執難兼舉擬竣橋工及此嗣屬時事孔棘拮据徵輸

佐儲胥之誦公私如洗一切未遑然于此役殆未嘗少
置於懷雖俸薪已捐于浩穰未濟因思庫貯按院黃贖
緩三十六兩係馬師所辭本院之饋詳請改支爲修路
工費果首六度愜至人普濟宏愿歡喜俯允所請仍檄
嘉魚再取贖緩一百兩以襄斯舉本縣卽將前銀一百
三十六兩給付砂子菴僧德慧復擇謹愿善民蘓遇昇
周繼賢等同收以董其役庀料僱工蠲吉始事屬同政
戎廳金諱夢麒總其理先是前令吳曾給緣簿命僧募
貲逾暮未及千丈今已漸就圯矣餘未修者計二千丈
有奇圖爲永逸當慮周經始其地或高或下且葬且塞
葬者之餘未克塞者之累本僧用價三兩購就近土隴
一片以資填塞厥堤崇準五尺趾廣丈有三尺固以巨
石面視趾減三之一恢拓堅厚較昔不啻倍之隄旁咸
密插柳不數載將翠縷成陰行者可翳其陰堤且馮根
芟彌鞏也

蕭子楫蕭堆賦附景泰二年重光協洽葬則應律金氣
颼颼予方訓迪諸生於文會之齋講論乎六經子史已
而敞觀瀾之亭睇盼乎高山流水維東有峯狀如覆釜
下有蕭堆勢若抔土巋然如伏岬然若起巖磔若斷崖
崑其峙崇雖不踰數仞廣亦不盈數里壯蒲邑之偉觀
獻芹泮之佳致四川嶺岷恍若驪龍之戲珠一水漉沉
下漚赤馬之江汜固非君山之在洞庭鞋山之在彭蠡

亦非蓬瀛之泛滄溟金焦之砥揚子要諸名勝曷足以
擬厥植斯生厥動斯止惟土地兮潤澤肆卉木兮輝光
彼蘭芷兮羞伍蕭艾有檜栢兮相間松篁繁檉樹兮蒼
蔚蕃桂菊兮芬芳若鄧林兮鬱鬱駢早麓兮蒼蒼賓日
兮鳳若斯鳴警露兮鶴引圓吭食萍兮鳴鹿呦呦在谷
兮白駒彭彭予睠茲方心曠神怡不自知其手舞而足
蹈諸生乃捫衣趨進拱手而相告曰先生傳經庠序於
茲有年效仁者樂順性之天曷不登疊秀眺豐財躋白
石躡雲臺又曷不棲鳳隱陟龍蟠瞻蒲首躍馬鞍迺區
區蕭堆之是觀乎噫先生之所樂者不在乎山而以其
名爲蕭耶抑亦必有獨得於心而若是其囂囂耶蓋先
生徒知其可樂而不知其所以可樂之妙也予旣駭然
而聽之復喟然而應之曰其然豈其然乎盍爲我言之
諸生對曰茲山雖小鍾秀孕傑巨浸一激大魁斯出前
乎漢唐羣英濟濟後乎宋元碩人俛俛調和鼎鼐則有
趙葵甫列官諫議則有費師古與夫何純溪之喬梓齊
鳴宋文齋之詩文獨步人我皇明混一區宇雲興從龍
風生從虎歷顯要而終祭酒者魏公杞山侍青宮而任
藩臬者王公時舉或登第兮撞破煙樓或聯科兮繩其
祖武司風紀兮激濁揚清寄名社兮庇民尊主職武學
兮閑韜略教文學兮施化雨是山靈之降神致吾邑之
鄒魯予曰噫嘻予之所言可謂驗矣然不知所以進修

則甘自棄而徒羨夫人天爵苟修人爵斯見在諸生之
自勵庶所生之不忝諸生唯唯而退皆曰先生之言甚
善

黎公弁蕭堆詩附蕭堆倚河干春風雜花木雷雨漲春
流巨浪相奔觸金鱗奮赤鬚龍門輕一蹴魁擢遺識言
重爲邦人卜

黎公弁赤馬港詩附赤馬飲河流因之名赤馬山橫石
壁斜奔流走其下洄湫起波濤信非無本者漁翁歛乃
聲明月秋清夜

謝允璜元日出遊仙雲山詩附忽霽逢元日新聞隔去
年同人于草野秣馬稅桑田累豁慈王側心空劫相前

蒲圻縣志卷四

鄉里

南勸

五

平沙歸騎晚烽堞靜無煙

黎公弁寶參讀書堂詩附丞相祠堂古飛薨光奕奕深
林翳道旁紅葉多秋色邦人慎景仰桂漿飲遺德清風
江上來千載無今昔



蒲圻縣志卷四 鄉里 荆沙

東鄉荆沙團距城十五里 鎮石嶺有靈鷲菴邑人謝正先修十八

衝有黑石嶺有玉皇閣明崇禎中邑侍郎魏說建荆泉山有龍王廟有洞

秀水出一曰荆泉一統志在縣南十二里洞有石臺石田溝勝悉具居民歲視其燥濕以占凶穰自洞

門入可百步別有門甚狹好事者裹糧而入信步趨出則在

崇陽之葛藤坪相距百餘里按通志舊邑志有廟有泉在洞

旁初出幽黝無聲名秀玉巖山故上方寺唐僧道馨建舊志

水半里許始震撼如雷卓立直上勢凌霄漢西有桃

中邑人謝師啟重修順通志在縣南十二里有青峯

治十年謝永瑛重修卓立直上勢凌霄漢西有桃

花嶺故羊子嶺有坪桃花泉出輿地紀勝按府志在縣南十里有金獅觀在

袁家畝西府志在荆沙鄉明成化中鮑家洲有鏡潭通志在

雋水中縣南河

鄒應錫聽默菴記附癸未避兵山中得便探東南勝槩
從亂石叢莽收淨白地一區今聽默菴是也菴之修建
強半出予貲及耆衲觀初師與其上足予迦捐衣鉢告
施諸長者其設像制器堂廊庖湑如叢社規制旣成師
徒瀟茗招余山中請菴名名之曰聽默迦曰默可聽耶
聽在默耶予卽應之曰若謂聽在默能所爲兩墮若謂
默可聽不斷根塵用我從亂石間松風如相觸羣籟聞
寂時無諸一切擾不離一切處當樂清淨身見星流鳥
喧無默無非默汝但如是聽卽應如是聞森然衆竅具
無默無聽者茶話已仍書是語記其事迦如有得俟異
時再證焉

蒲圻縣志卷四

鄉里

荆沙

三

黎公弁荆泉洞詩附流泉出荆洞靜深杳莫測青山百
丈高六月寒威逼人言水有神主茲靈異跡祈禱致懇
詞浮沉任拋擲

廖道南詩附抱疢嗜幽壑宜懷訪名泉羣峯簇靈境列
巘攢仙壩石峭躡飛竇溪迴涉澄川捫蘿綠篠密攀葛
丹梯懸篝燈照岩牖灑墨濕沙田方疑兕虎伏倏詫鳶
鸞騫蓬島埒茲勝桃源詎能先馭風隘八極乘景淺九
淵安得同心侶晤言思賦元

謝師啟詩附乘興探竒竝筍輿清溪數里歷縈紆仙家
蓬海空三島人世桃源自一區古碧重雲開玉宇虛巖
寒雨滴冰壺尋幽不怕迷歸路賸有龍眠照夜珠 宛

轉仙源入更深風泉雲壑正陰陰只疑蛟室遙通海誰謂龍宮不隔林列炬未能窮勝蹟臨流頓已滌塵襟此中靈物升沉異莫擬飛騰迸作霖

黃圖昇詩附一路晴峯生紫煙芒鞋踏去眺名泉守關龍母翻行雨對局仙人動隔年咫尺雲深靈窟遠躊躇秋老勝情偏有緣再作尋真約定逐桃花入洞天

王鼎彥詩附翠壁丹崖鳥道通飛梁奇似玉玲瓏祠官歲請潭龍雨山叟時占石燕風何代仙人棋跡古前朝遊客字痕蒙分明指點尋源路流水桃花向此中

蔡潮荆港舖詩附涉水緣山百里程驅馳曾是爲逢迎停驂屢謝難爲汰負笈周遊只此情言教自慚非盛

蒲圻縣志卷四

鄉里

荆沙

四

節面從何敢薄羣英芸軒不厭湖湘綠惜取流光次第行

韓宗堯詩附午度桃花第一峯顧瞻何處覓殘紅道人也是尋春客山鬼休嗟馬未驄

知縣張珮詩附曉泛桃溪水夕渡桃峯雲誰云種桃者花發忽逢君

陳汝楫桃花泉詩附溪南松樹綠如雲飛瀑時從絕壁聞不用荷亭消暑氣一樽留客醉斜曛桃花流水合荆溪夜雨春波拍斷堤偶爾今朝出門首平疇雉雥麥

初齊

廖道南詩附泉石如桃花花開石更佳石懸多紫莢花

落如丹霞何人采石盡飛去到仙家

黎公弁鏡潭詩附空潭碧如鏡明水澄清秋倒浸廣寒
影疑是嫦娥遊蛟龍怪珍重側視不敢謀獨憐魚拋尺
擊破黃金甌

謝師啟上方寺詩附上方塵不到靜境客相依澗響清
幽榻雲淡冷薄衣鳥閒歸樹早僧老出山稀俱得安禪
意聽經掩竹扉 泉近水聲幽香臺隱上頭月明松嶂
夕風動石林秋眾壑煙同暝諸天雨半收一燈還照客
清磬復悠悠 諸峯寂歷月初懸鍾磬泠泠雜澗泉僧
在山中依樹老客從雲處借牀眠綠蕉夜滴空階露翠
竹涼生古徑煙漸覺此心能出世不妨巖戶住經年

蒲圻縣志卷四

鄉里

荆沙

五

吳 童詩附秋山黃葉寺與客宿氛氲禮佛諸香遍參
禪半偈分夜泉喧過雨晨壑塞歸雲寥亮中峯磬人間
總不聞

王鼎彥詩附諸峯環野寺一徑靜傳燈鐘定泉聲落廊
陰壑氣蒸雲迎幽訪客鳥悅晏眠僧飽飯雕胡罷還期
捫紫勝

謝允寅將之任西江留別上方寺詩附尋幽幾度入希
微二十年餘半衲衣泉乳分來茶竈近山嵐落處雨花
肥庭荒漸喜開生面石笑應知露活機師力佛恩何以
報西江吸盡可言歸

東鄉土橋團距城二十里 了髻山一曰葛仙山晉勾漏翁
 葛洪修煉於此有祠有土橋通志在縣南廿里雙峯如雪
 峯山有寺唐咸通二年建府志按舊志咸通二年開山七年
 二年重興明末燬於兵造佛像宋元祐七年重修明景泰
 康熙七年僧松雪募建 潭頭山有石岡在河中 幽蘭山產
 蘭上有石泉有寺有跌仙石總志通志又府志石上有掌形 南山大湖坪或
 曰大壺坪有石榴尖峯故望鶴樓總志通志 規水嶺西有迴龍潭
 有洞通志潭在陸水中有石梁盤渦旋洑水勢險絕
 有社倉穀八十二石

蒲圻縣志卷四 鄉里 土橋

橋土





蒲圻縣志卷四

鄉里

土橋

二

馬淑昌重修雪峯寺記附截雪峯寺舊志未詳落落無聞
 與眾寺等今康熙七年冬重修工竣謀新佛像乃始見
 佛藏中書此寺昉於唐咸通二年開山七年造像宋元
 祐七年二次裝金明景泰二年復修之嘉靖十五年三
 次裝金遞至崇禎末兵火焚蕩梵宇鐘鼓幾在昆明池
 劫灰中住山諸僧各鳥獸散適有古洞山元老人卓錫
 上方僧雪松與其徒惺一師事之因受戒典此山香火
 從此願力堅猛與在家諸同參為初發心菩薩誓古佛
 前不了此重修願不休也甲辰季夏諏吉經始架梁本
 日佛前盆盎中突開瑞蓮一枝從蓮房疊吐瓊蕊閎傳
 遠近走而觀者數千人豈古佛以是蓮為飛來種耶功

成不日締造一新諸同叅謂余是舉也君不可無記謹
記諸石

係茅山雲洞
水洞別來入
礪快矣

張開東遊迴龍洞記附洞既修水緩沙平冬且涸人可
走丙辰春正月十三日將暮春潮未至和風益谷予納
伴侶各秉燭以遊衆咸畏之予曰往遂前往焉門僅高
二尺餘俯而入又漸低衆難之予復前往越數十武拳
然一窩窟頓爽又徑往得一圓屋能容四五人石空稍
高予曰可以半伸腰矣衆咸聚是且憇焉又魚貫而入
石若塞得一窟伏以行背齊石面目臨地予亦幾苦倏
然大勢若長房中有沙洲清水環帶徹底無塵亦有石
鱗潛游形影碧亮殘苔撲岸含濕欲生衆披肩坦行無

蒲圻縣志卷四

鄉里

土橋

三

所礙且迢迢不窮旋一曲而房始盡嶙峋欹崎累壓如
垂中通小徑名曰元關元關者洞之重門也蜿蜒進入
其關曠渠穹隆空如大廈一設一笑四廊響應古石鄰
砌玉筍斑斕石乳涓涓滴而爲佛光怪離陸不可端倪
環顧而拂此宮一截衆以爲盡予曰未也又俯首入其
關有清溪小港彩石晴沙交錯道上此宮一截衆以爲
盡予曰未也又鞠躬入其關復有清溪小港彩石晴沙
微風引浪周轉如輪此宮一截衆曰無復去予曰未也
又匍匐入其關有兩石分列一石磬一石鼓叩之鏗然
其韻各別殆太古之遺乎右有龍床平鋪如席予倦欲
睡其側隔於小池不得遂左旋折路層級如梯窳然益

幽望其右皓石懸空離地數仞予履危凹遂躍而過羣
相挈提登其上復如平地仰其頂隱隱在霄漢之際踊
其處若寒磯破釜若古寺撞鐘昔朱氏率其旅四十餘
人避難於此蓋聳乎爲白雲樓矣復就樓下依前踵而
往此宮一截予亦以爲盡又逐空去得一嶺如水港泥
滑不能躋予與衆攀援而上亦凜凜乎不自持衆停以
望浩然有退志忽有聲淋漓若河濱浣女矻矻隔岸之
砧若黃昏野店空庭夜雨之綿綿予甚疑焉又燃新燭
且行行劃然暢曉容容其堂氣冷而雲迥異人世卽而
視之蓋水滴石音是也予從座石旁獨馳幾半里攝衣
而立徑斷路迷視其下黑雲擁紫霰騰泥霧交沉怪風
颯颯有神龍氣不知其幾千萬丈也予迅返駭然謂衆
曰請君從此止

蒲圻縣志卷四

鄉里

土橋

四


吳童了警山詩附雙峯羣壑外孤日大荒西去海江
流渺摩天雁影迷仙人留廢井雲屋有鳴鷄秋興逢搖
落良朋喜並攜

王鼎彥雪峯寺詩附絕巘開清梵花宮峙雪峯麥田雲
外種蘿逕雨餘封鳥韻沉朝翠泉流答午鍾憑高仙馭
近松鶴解相從

王鼎彥葛穉川祠詩附勾漏何年度此山海仙何日駕
雲還馴龍守戶人稀到野鶴巢松僧自閒常有局聲聞
岫裏猶存劍跡隱池間彩霞歲歲封丹竈隔岸長

流帶
碧灣

石坑



蒲圻縣志卷四 鄉里東石坑

東鄉石坑團距城三十里 黃葛山上有黃柘湖丹泉出

總志

葛稚仙修煉處通志上有黃柘湖盈涸無定 按舊志頂有丹泉右有山頂瀦水曰黃柘湖 祥雲山前有木

蘭山產木蘭有寺故在團山明萬歷中徙建於此有丈人石

通志木蘭山怪石層疊古木差參舊志寺自明景泰七年開 基團山後改建祥雲山下有石峭立高四五仞以丈人名之

有蘭泉港逕柳林北入河有木蘭潭

舊志

中坪在金家閣東有

石門限有大雲菴

邑人王九真建

洪下灘一曰洪石有南悅菴有東

流港產竹

按崇陽志灘與蒲圻縣分界處有石屹立勢若建瓴

石坑渡有鎮有青蓮菴

石峯有寺

明嘉靖中建

有璃碧灘故犁壁 有八角樓 有陳求

道墓

舊志在縣東二四都興陂畝

有長石路

路接大貴直通崇陽邑人章世璜築

北



蒲圻縣志卷四

鄉里

石坑

二

龔 璋石門灘詩附谿惡舟不進坐石聊相守奇哉此

灘石二氣融妙有一一盪漩窩如斛復如臼或如陸龜

躡或如鐘磬紐或銳如假山或卧如柳肘尋思此機殼

理幽難遽剖石性有剛柔水力無暫久水石日交戰石

石還撞剖剛者轉不化柔者紛能受以此聽雕鏤留作

煙霧藪我來即苔痕水落寒江後千古雲濤心一夕遊

人趣

魏方復登玉蘭菴詩附夢裡蜂臺古玉蘭綠雲深處放

毫端送春雨過經初歇含笑人來花已殘有鳥若呼林

外曉無魔可伏此中寬僧寮茶火家常事待月重過興

未闌

泉洋

北



東

南

蒲圻縣志卷四

鄉里

洋泉

東鄉洋泉團距城七十里 東泉嶺在老角山南東泉出故
 屬崇陽上有石涼亭 通志山在崇陽東北有龍巖龍洞有泉
 二一入崇陽界一入蒲圻界邑人章心
 唐建 有仙人洞陳求道係避兵處 通志唐道士劉元靖遺跡
 按舊志距城三十里中有
 石橋其下深澗飛瀑旁一小窾可入相傳宋陳求道孫避兵於其中 崇仙觀在老虎巖上明嘉
 靖中建 邑人章心 趙家山有紅絲嶺產
 丹井舊志 煤 新田橋故東泉有青水當左有尖峯山 有消水洞亦
 曰雷破洞洋泉團水所出或曰沈泉起此 總志成寧西五十
 里有沈泉源出蒲
 圻入本縣界數里下注大石竇中聲如萬鼓遂伏而不見按
 洋泉一團之水歸消此洞訪其所出土人謂在咸寧界為沈
 泉發源處

東鄉雙邱團距城四十里 石尖山有玉樞觀明成化中建有茶亭在寒婆垵中道士沈希仙建鳳山故留雲有降山寺 燈籠山前有金鷄坪通志坪在縣東二十里其陽為渡頭其陰為石子岡滴水巖一曰獅子腦產煤 東塘山有消水洞有油湖右合羅海井水出沙橋 油落嶺有紙棚出火紙 經堂菴有包山塘塘四面以山為基終年不涸

蒲圻縣志卷四 鄉里 雙邱





蒲圻縣志卷四

鄉里

雙邱

二

王 蔓降山寺詩附愛此清幽寺茅菴近碧岑路疑行
 不到房覺坐來深明月空中影浮雲世外心人生不滿
 百能得幾登臨

張東周旱後遊降山寺詩附疋馬秋初歷上岑生涯十
 里九氛禳望門惟是松杉影入寺空聞鐘鼓音桑柘楚
 田貧入骨風煙荆國怨傷心幾回欲上希又啟揆路相
 知淡未淡



東鄉大貴團距城六十里 天星山有甘露菴在石壘坪中

明洪武九年建 苦竹畝產竹有蘆塘菴又有沙場菴 鏡面山古天

真大名寺古秦明康熙二十五年重修舊志 二郎殿在北山圖山寺在天

台山 有石屋山 有迴龍菴 黃沙畝南有青龍山有寺

有古白菓樹通志山距縣六十里北出為黃沙畝為洪口橋南出為阪嶺為洋泉自洋泉而北為西衝又北

選白楊畝達於汀泗橋府志明景泰中建寺有刺史袁昭文所書金字金剛經 泉洪嶺有曇華菴

大泉山有道安寺有七里衝出火紙 方秀畝有青龍橋水


經洪口官灣山至方秀入咸寧界三元腦在右劉家林在左

有崇陽長石路邑人章世瑛捐築

有社倉穀九十三石

蒲圻縣志卷四 鄉里 大貴

北
洋泉界



南

蒲圻縣志卷四


鄉里

大貴

二

魏樸如青龍寺詩附龍宮丹堊照山隅神物飛騰事有
 無檻外秋聲黃葉下尊前寒色白雲孤上方說法逢支
 遁舊舍留詩憶大夫手澤百年塵壁在不勝酸楚罷操

觚



蒲圻縣志卷四

鄉里

占崙

東鄉占崙團距城三十里 有詹家崙舖故北峯社學有包
 泉寺舊志洪山廟一曰洪山案 金雞壩有坪 分龍嶺在石
 塔嶺西有石子岡舖 有泉洪寺 羅真人廟有龍井掘泉
 出舊志有社倉穀壹百八十石



蒲圻縣志卷

四鄉里

占家崗

二


張開東掘泉記附邑東北五十里有泉焉曰掘泉以靈稱何以靈以禱雨輒應故也何以禱雨輒應凡邑有大旱不禱於白石明王則禱於此宰官率其屬先齋戒宿告於城隍廟卜日步行詣其所命巫者前導官拜跪祝陳辭讀畢浮於水面已而卷牒層折逐波下若有諦視之者誠則少頃泉翻出巫取囊納以歸途中風雷作大雨如注官吏櫛風沐雨不乘輿馬隨其後田禾皆起否則泉不湧出其視辭不受卒無雨故稱靈焉明陶公嘗建石坊於泉上其西岸有羅真人祠乾隆中王公有碑置祠前述其異余幼時聞老人言昔有真人過茲土乏水憂其女汲之遠一日與女約曰吾翌日將逾山南大

泉駕龍穿山來雞初唱汝亟持鋤往掘之及期女寐不覺雞已三唱寤而驚索鋤不獲乃取春杵從之搗其地得泉真人遂莫知所在越今四十年余始遊此其里之童叟所傳與昔不少異然則投祝辭而若諦視之者其卽斯人與抑又聞之其泉之側吾遠族人世居之謂真人乃其舊媼而雙邱李氏又曰吾先祖也蓋李本羅姓故木主皆書羅彼所謂生爲李死爲羅者是也卒不可考夫山川社稷風雲雷雨之神以爲民佑載在祀典世受祭享顧或祈禱不應而真人僻處荒榛蔓蕪中與人欣戚相關呼吸不少離又能鑒有司之誠否輒應之如響真人其可謂靈也已獨其名莫考深爲可恨然古之有功德斯民而姓字湮沒磨滅不傳者不可勝數有人享廟祀殆數百年勒碑碣官壇祭而民尸祝之冥冥中已有隱相投合者又何必拘拘求其名實之以彰於人世哉爰記之

魏 顧詹家崙鋪詩附聞說張騫泛海槎幾年飄泊在天涯道宗鄒魯誰真到詩領乾坤自作家窗外好風鳴古木草頭零露濕寒花馬周去後常何遠數遍郵亭月正斜

東鄉官塘圍距城五十里 有官塘山有驛 有石塔嶺見
嶺東有天妃廟 唐建明景泰三年藩憲劉重修崇禎四年知縣林增志復修舊志 塗山坂有
 港經二塘堰出雷公橋 有桐岡故社學舊志 獨山有元明觀
 淨苑山有岳臺寺俱見舊志
 社倉穀二百三十一石

蒲圻縣志卷四 鄉里 官塘



官塘



蒲圻縣志卷四 鄉里 官塘

廖道南官塘桐岡詩附桐岡蜿蜒通天梁萬峯含翠千
 巖蒼仙宮嵯峩白日暗石洞黝黑清泉香玉樹琪花紛
 旖旎湘芷猶存畹蘭紫山空無人鳥欲棲滿庭華月煙
 如水我來正值秋暮時東籬黃菊何離披息駕登堂對
 雙鶴蚪龍天矯盤穹螭大笑臨池分紫翠鬱葱萬壘浮
 佳氣乘傳何人數驛程魚符總爲蒼生寄蒼生蒼生爾
 若何桑麻十里官租多主人導利布上下洋洋父老聞
 謳歌我將祇役還燕闕山靈前驅戒明發涼飈落木洞
 庭波彩鷁翩翩滌江月堪歎乾坤自古今關山如舊物
 華新輶軒使者聞斯語爲遣陽和福我民吁嗟乎爲遣
 陽和福我民



蒲圻縣志卷

鄉里 汀泗

東鄉汀泗圍距城七十里 驛有汀泗橋一曰丁師有鎮咸

浦分界於此 一統志通志俱詳咸寧橋 有吉祥菴 創始李唐

年重 西灣大貴水所出有獅臺寺白楊畝在西南有方秀港

獨山有元明觀 包家畝有南溪橋港經永豐橋入河

泉口鎮有關聖寺 有義地 與汀泗橋義地俱 士夫嘴南有

太平菴 官屋塘有橋 邑人章心唐建又重修石頭 有石路

經大貴到崇陽 邑人章應璜修 有社倉穀一百七十二石

蒲圻縣志卷四 汀泗

二



大田



蒲圻縣志卷四 鄉里 大田

南鄉大田圍距城十五里 五岳觀故山川壇明正德九年

改有東岳廟有張公祠 通志南門外宋端平間道士陳洞觀於金疊山之陽明改山川壇為之按

舊志觀在東岳廟魏說 鳳凰山有寺故靈鷲吳黃龍間鳳集

於此更名 通志唐建明洪武初 五洪山上有泥壺坪有七里

衝港有五洪橋 總志縣西南十里五水合流通志元 有湯塘

溫泉出有冷塘寒泉出 府志五 白雲寺故黃沙寺有古柏 明

二丈餘高十餘丈相傳宋天聖二年植 關山有黃墩廟明

知縣曾棫死難於此 有熱泉在大田畝中 有大石橋邑

人王台彥建 按舊志邑人參政王台彥建僧淡齋刺血書金

德重修邑人陳士雲 國朝乾隆三十五年知縣安洛

抄尊經兩部為鎮



蒲圻縣志卷四

鄉里

大田

二

謝師啟張忠烈廟記附截蒲邑祀睢陽張公自祀顏平原
 常山兩公始公威靈無處不著而特顯於蒲故蒲人士
 祀之亦最嚴祠在邑治南五嶽觀之左規制迫狹余自
 諸生時已厭之萬歷己丑祠災余過其遺趾低迴久之
 卜庚寅季春八日鳩工庀材重為建廟至其時而余仲
 子自怡生越七月十七日置修建始末于其臚遵俗例
 也則曩為公建廟者即邑龔氏亦前庚寅七月十七日
 也異矣

劉光輝重修五洪橋記附截邑之南有橋名五洪者蓋上

下數省津梁也橋創于元皇之初程學士記于延祐丁
 巳之十一月檀越願力詳哉其言之到今三百餘年閱

世多矣邇來水勢衝激磷磷者忽焉解裂來過客之憐
驚動居人之扼腕發願者雖慈悲而力棉有力者復慳
貪而願薄余不佞假道感慨間雅意于言願言力也竟
以奔走王程間關歲月未暇與之言願言力也邑中謝
上舍草塘係御史叔蒙先生之弟也取與纖毫不苟正
大有願力者而肯言願言力也遂捐貲若干先二三臭
味者而言修遂有二三臭味者亦捐貲若干而言修以
致十方人斗米交錢一夫尺布各各効涓滴恒河沙數
以贊成今日之役若似乎衆人亦有願有力到今而都
言願言力也則願力不旣多耶余不佞因感于程學士
之記而續記之也

蒲圻縣志卷四

鄉里

大田

三

黃 煜鳳凰山賦附戊寅之秋重九之日與客攜壺窮
高縱陟追孟嘉之往事訪長房之遺蹟於是紫萸簪帽
黃菊泛甌几雲案石詩酒賡酬攬蒲山之秀色挹蕩水
之清秋忘形爾我其樂優游客有問曰登斯山也意氣
軒騰山巒屹立極乎高昊山洞幽陰入乎杳冥際窮蟠
壤亘古迄今山以鳳稱胡爲乎名余乃停卮揮藻爲客
陳之自昔鴻濛初判高厚墊昏神禹懋績地平天成山
嶽挺峙品物流形雨暘時若協氣駢臻是故鳳依山而
呈瑞山以鳳而顯靈乃若春風浩蕩淑氣春融升亭亭
之扶桑茂葦葦之梧桐鳳輝木德而來鳴兮啾啾離離
乾精曜曦時當溽暑亢大塊以蘊隆篔簹巖之霖雨鳳

輝火德而于飛兮翩翩其羽風高氣肅斗轉箕旋仙管
過雲而嫋嫋銀蟾皎夜而娟娟鳳輝金德而迴翔兮亦
傳于天朔氣栗烈嚴飈凜蒼筠森玉而旖旎白石削
瓊而齒齒鳳輝水德而審視兮亦集爰止客曰子樂矣
乎子誕矣乎於乎噫嘻我知之矣虞韶盡美來儀于廷
周德至盛岐山來鳴惟我皇明道泰時和值茲美景睠
彼卷阿我車我馬且馳且多炫九苞之焜煌象茲山之
嗟峩吾豈效楚狂之避世而吟哦將以述召康之納約
而咏歌也客乃笑曰有是哉歌曰山兮山兮彼高岡鳳
兮鳳兮於朝陽時兮時兮登虞唐

袁 嵩溫泉說附予邑 熨泉有二其一著者五洪山下

浦圻縣志卷四

鄉里

大田

四

之泉其一不甚表表者在五洪橋之畝中山下一泉何
以獨著以司徒魏公先隴在焉凡留心形家言者無一
不身履其地見之者衆也其燠等沂水探之未嘗以冬
夏少異此中疑義從古未剖卽歷稽史乘如歛如宜春
等邑耳目到處所在而是俱能狀其熨莫能言其故予
每叩之名堪輿祇謬以地脉旺氣對了無確解且託爲
海以內第一稀奇事尤堪捧腹予曰旺氣宜翁不宜張
詎堪再洩耶洩於水山寧能鍾靈耶且凡水源清則流
潔源濁則流污理也溫泉寒泉其流暖冷亦應若是乃
此等水燠處俱僅斗大其源其委何以多不然其人語
塞而退以予所睹記此無他總之下有礬石流經此自

溫也蓋礬陽石也凡數種有蒼者白者青者紫者有紅皮桃花金星銀星特生諸名其實一物但以形色異稱又一種出漢中者外色紫赤內白如霜中央有白狀形類齒者亦有色白粒細若粟者其性皆毒且熱竝可毒鼠制汞醫家間以蒼白二色入藥用服者宜慎之然諸礬生于山則草木不生霜雪不積生于水則熱似沸湯臭如硫砒溪澗有之卽成溫泉其氣之熱可知矣其毒不可試也在先哲或有著其害者昔王子敬靜息帖言礬石深是可疑凡喜散者輒發癰蓋散者寒食散也丹房及黃白術多用之中有此石性最毒熱故云深可疑也劉表在荊州與王粲登障山見一岡不生百草粲曰

蒲圻縣志卷四

鄉里

大田

五

此必古冢其人在世服生礬石熱不出外故草木叢滅表掘之果有礬石滿塋又今洛水不冰下亦有礬石人謂之溫浴是也取此石安甕中水亦不冰又鵲伏卵取石置巢中以助溫氣其性如此豈可服予兄文安公鎮金陵秋暑減食醫者湯三益教服礬石丸已而飲啜日進遂加意服之越十日而毒作衄血斗餘自是數數不止竟至精液皆竭而死凡若此者非其寒食散之害最彰明較著者耶方士乃假此爲冲之藥以愚人可訝也

黃廷堅鳳凰山

贈廖明畧

詩附江淨明花竹山空響管

絃風生學士塵雲繞令君筵醫是肱三折官當歲九遷

老夫看鏡罷衰白敢爭先

魏 裳鳳凰山

聽饒象賢琴

詩附讀書臺倚鳳凰東

落高秋握手同愁裏舊懷青玉案歌前上客紫芝翁
論雙眼塵中白貪數諸天覺後空一曲陽春聊進酒萬
山林木起悲風

劉光輝詩附晴來曉氣步郊原古木深山古寺門巖貯
蘿煙蓮座潤風披荷葉石泉喧鐘傳禪定三聲佛鳥送
笙歌四月村行到峯頭通帝處憂時有策亦須論

程嘉鳳暮春偕同官遊鳳凰寺詩附問道追歡自洛賓
相攜載酒共尋春千山樹色晴當席十里鶯聲遠趁人
詞客風流高白雪使君意氣重青蘋到門僧舍鳴金鼓
疑有鳳凰出世塵

蒲圻縣志卷四

鄉里

大田


六

黃宗榮暮春黃使君招集諸同官陪遊鳳凰寺詩附聯
鑣郭外喜晴暉上客尋芳興不違綠樹祇園堪避俗青
天佛日總忘機一尊潦倒卑東閣滿路謳歌動少微不
是諸君能下士春光猶自掩柴扉

廖 漢五洪港詩附一溪流水半山雲懶時坐看閒時
行相逢野鳥還飛去不問人間陰與晴

王 壩溫泉詩附萬斛名泉沸似湯波搖山影共蒼蒼
嵯懸怪石蒸礬氣岸老疎桐映碧光太液月澄尋古字
丹爐雲繞憶仙郎溯洄若有伊人在紅樹花開鶯半忙

白石



蒲圻縣志卷四 鄉里

白石

南鄉白石圍距城二十里

金紫峯在南

總志距縣三十里 每晴霽嵐光如畫

通志峻聳凌雲 高出諸峯之上

有白石山俗謂獨角麟

總志山多白石 白石泉出有

港經嘉瑞橋入大田

一統志距山里許有泉 出巖中流下為白石港

有忠烈廟元至

元間監縣帖木兒建

通志山之下有白石廟祀三 顏公其泉汲之輒雨詳祠祭

古巖菴有

木魚山

驛有白石舖黃泥嶺有白石塘

包官嶺有紙棚

普菴寺

明嘉靖 中建

有雙港口東有沈水湖

湯塘有畝

北



蒲圻縣志卷四

鄉里

白石

二

何夢星唐顏公兄弟廟建門題辭附邑白石之祀顏公其來最古其泉奔而石裂亦若非是莫可祀公者今讀魯公所與藍面宰相語大不能抹英雄淚也曰嗟乎古忠義有若公之一門瑰烈者乎余觀古之殉國者或為神劍怒濤長虹野火與夫哭晒之屬意公不然公必出而為世之正人君子者也則其神或不在是然往往有禱則應有夢則告每斜日寒天使人欲近然則其神果在是乎乃居人每夜或聞車馬鉦鼓之聲又疑其神無不之則或如唐人謂其為仙或憑人而為厲或時出為正人君子皆理之不可知者是公以其精光靈動者置人心而人以其思慕想像者為公則是固即公也已

矣惟廟在山根不瞰孔道每星使羈客但見幾點青山
數聲流水不獲瞻拜余甚悵焉乃集僉議建一門坊于
驛路庶倉皇走馬亦得一向拜而去而其得見公者雖
去矣猶復低回留之其亦可也至夫治其賊以說于衆
又侯門成後議之願同心者竟此舉矣

蕭 鐵顏忠烈廟記附蒲邑西南二十里有廟曰白石
所祀之神顏氏蓋唐太子太保杲卿司徒真卿與其弟
春卿也太保司徒之忠人皆知之而春卿蒲圻人相傳
至孝其曰三位明王者宋所封爵有司至今春秋祀之
其靈應異甚正統戊辰春二尹王君斌廬州六安人謁
拜祠下顧瞻庭宇頽圯黜聖德漫慨然有撤而新之之

蒲圻縣志卷四

鄉里

白石

三

意適其夏旱禱于祠刻期而雨歲以大熟王君子是率
諸父老修治之經始於是歲之冬而落成明年春之三
月不弛前功無改舊貫寢堂門廡煥然一新蒲圻之民
咸相慶幸以爲神將永福茲土也至是京衛武學教諭
黃君埤屬余爲記

廖道南金紫峯詩附日月歲云改山堂對金紫金紫何
岩堯突兀煙霄起或如登崑崙元圃聯霞綺或如回秦
華龍首接熊耳或如嵩降神巨靈崇窟窟或如登日觀
東望滄溟水或如猿狖巢或臥如虎兕或馴如羣羊儻
侯如鹿豕懸石如瓊花千朶金精蓋飛泉如瀑練萬丈
銀河駛嵐光變日夕態狀弗可擬永恆靜者心卽之悟

元理今夕復何夕造化自終始土鼓歌幽風聊以暢幽
旨

廖道南白石山詩附白石層巒岼清泉響潺湲閒雲抱
幽石倦鳥巢空山野老相對酌寒宵相與還

龔逢祥顏忠烈白石廟詩附削成一片石萬古白粼粼
素壁纏雲霧空祠集鬼神陰風低半樹殺氣戾邊塵血
染流泉碧苔依斷碣新三良瞻異代完節重千鈞父老
爭投謁春秋薦藻蘋峯巒標挺直日月抱嶙峋仰止堪
長歎那能贖百身

黎公弁顏忠烈白石廟詩附顏氏有遺廟白石山下旁
歲時躬報祀搥鼓羅旛幢烹羊擊豚豕椒桂惟馨香神

蒲圻縣志卷四鄉里白石

四

君謝我去冉冉雲飛揚

魏 銘顏忠烈白石廟詩附峻壁嵯峨削似峯殿庭清
晝白雲封生前殺賊精誠盡死後封王爵位隆萬古千
秋嚴廟祀皇天后土鑒孤忠曉來拜謁靈宮下簷鐸鳴
風玉燭紅

賀斐觀謁睢陽祠詩附南八男兜喚未終頭顱環射寶
刀紅殘兵倘撤江淮守大將難言郭李功馬革脂膏餘
將帥蛾眉鼎鑊報英雄漢書雅信平生癖每有遺忘欲
叩公

來山



蒲圻縣志卷四

鄉里

來山

南鄉來山團距城三十里

羅峯嶺有石屋有寺在花紅山

南明嘉靖中建

通志在縣南三十里接崇陽界按峯之南鬱為崇陽之東流鋪道光十二年賀子彥倡修

桃林畷有豐樂橋

乾隆年間賀惠連建道光十二年賀子繁齡買田築堤

石笕有

龍王橋經必定橋與斗門橋水合上有花林橋茶安嶺西

有雲臺山產棗有洞坡產沙

總志距縣三十里其陽為石羊洞其陰為水口畷有雲臺觀在

來山舖明驛有來山舖

有高嶺塘

有社倉穀二十三石

天順中建



元縣志卷四 鄉里 來山

陳大壯來山舖詩附午坐松亭巒薜蘿楚笳晴喚鳥音
 和溪連山色虛沉翠水散春聲曲放河避石肩輿緣路
 滑吹風木葉向人多愁容爲許開芳興頻對長亭發嘯
 歌

元縣志

山峽



蒲圻縣志卷四

鄉里

峽山

南鄉峽山圍距城三十里 長崙嶺有八案廟北有靈鷲菴
總志嶺在公安山前通志 山口有大壺嶺小壺嶺 蓑衣坡有堰有橋 會土橋水入
 青石橋水出馬壩 選佛社在青岡壠南順治中律師曦如建 有
 峽山總志兩山相夾 大壺嶺有亭東有小壺嶺有岫雲菴總志二嶺在公安山
 右江淮 有花路亭 有淨覺菴僧印青建 有木蘭嶺 有櫟木橋
 建亭 有社倉穀六十石
 水出 白墅

蒲圻縣志卷四

鄉里 峽山

二



南鄉馬均團距城三十里 馬均嶺有牛泉寺明嘉靖中建
 寺中有泉從石 白鹿山有蘭港有橋經石家畝出楊林 總志
 牛口出因名 山迴抱金紫按山之陽為蘭港橋陰為 有張王廟有雷家橋
 石家畝通志云其陽有荆原荆港非 盤旋聳秀 有青石橋西
 大壺嶺在小壺嶺西 志通有北衝山 古木蒼翠
 有蓮形畝 有盤山塘

蒲圻縣志卷四 鄉里 馬均



馬均

北

小壺嶺

田

田

清橋

長嶺

嶺

海

東

北冲塘

田

田

田

馬均嶺

龍山

白鹿山

馬均嶺

安茶嶺

南

清橋



清江縣志卷四鄉里

馬均

二

陸 鈇白鹿山詩附紫陽廬嶽爭名勝白鹿茅堂春洞
 開學士碧山今地主仙人黃鶴幾時來巖間桂樹含丹
 霧階下泉花繡錦苔楚國懷賢歌七澤漢宮回首望三

台

廖道南白鹿山詩附昔聞匡廬白鹿洞今見雲臺白鹿
 山白鹿呦呦不知處白雲渺渺相對閉三峯矗立紫巖
 秀四水交流赤石環草閣獨栖松竹塢春深花發鳥間

關

南鄉楊林團距城三十里 黃茅山通志其陽有黃泥洞其陰有龍泉府志綿亘龍

從脊如有顧顯廟在乾壠坡東 邑人但明志 楊林畝有泉塘

浪湧 有廟周姓基址 鐵峯一曰茗溪產煤有九宮廟在皂角垵中

東有洗心洞有福應山廟嘉慶十年邑人周麗金游應善倡修 有彭家嶺 有

人山以形似各 蒲首山在西北詳新興城西 瞞家嘴有廟在楊林城西

水口畝有師古菴在團東 東有高橋有港沈高橋建 有益陽橋經李

公橋至新溪河

蒲圻縣志卷四 鄉里 楊林



楊林

北



蒲圻縣志卷四

鄉里

楊林

二

知縣勞光泰古驛詩并序

孫權既以蒲圻為重鎮而於西南路築城以攻零陵
 名曰太平城乃古驛路所經居阨要之處今驛路已
 改而楊林諸山路迹尙存惟田間忽不見耳

楊林有古驛直達太平城城上見衡岳孫權此用兵
 又

驛自前朝改傳聞信不空尙存人馬跡明滅夕陽中

南鄉新興圍距城三十里 蒲首山有摩尼峯有古刹有普
 陀巖邑人葛吧陽淨室葛玉峯修岩白石寺在泉坑渡上 石門山有靈泉
 寺有古柳總志山有雙石對峙如門明宏治中建寺有龜山馬文淵所居 有太
 極圖在土墩隴中上有熊家橋明正德間熊伯珍修其下有
 龍會橋經永興橋入馬蹄湖有聚仙臺龍會橋僧見空重修永興橋熊漢廷倡修
 官司垵有新橋明正德間熊伯玉修有合流橋明萬歷中袁昭文所修
 社倉穀二十三石

蒲圻縣志卷四 鄉里 新興



楓橋界



蒲圻縣志卷四

鄉里

新興

二

祝世祿滄湖釣艇詩附何處問元真一棹江之浹直釣
 不受負聊以弄煙水



蒲圻縣志卷四

鄉里

新店

二

邱僧乾新溪古社詩附人文百室接薪傳好友徘徊勝
 蹟研橋左尙堪環駟馬澤濱猶自集三鱣久湮舊址存
 今古誰振遺風譜管絃遊玩惟祈重卜築莫教茂草每
 竿竿

南鄉城西圍距城三十里 蒲首山有燕子巖故碧巖亭明
 祭酒魏杞山讀書於此有山泉隴 總志蒲圻首山按府志上
 有巖明魏觀建亭讀書處
 互見 小河有木魚洲 來山峽山馬垵楊林諸
 水會此逕夜珠橋入河 荷葉塘有興塆
 或曰奔塆有永興橋在木子潭上 邑人劉惟縉建并捐田
 四斗收租以備補葺 鸞
 瑞山有雪林嶺摩斗坡在南 山嶺蜿蜒起峯其陽為鸞書
 塘為花園山其陰為大塘隴 太
 平城在吳城山下三國時孫吳所築 一統志吳孫權遣魯肅
 征零陵於此築城至今
 基址尙有碧潭寺唐廣德中僧照公建 通志斤絲潭出春魚一
 有存者
 曰文魚 按岳州府志臨湘沅潭亦有此魚此潭與沅潭水相
 接其深俗傳以斤絲為度每春三月間春魚乘潮而
 上至此浮於水面可取其
 細如針長三四分許味佳 有白雲菴在木形山東 有社倉
 穀

蒲圻縣志卷四 鄉里 城西



西城



蒲圻縣志卷四

鄉里

城西

二

魏 觀避地菴濱偶成詩附雲屏俯瞰葦湖濱風光迥
 隔蕪陽塵青蟲懸絲不到地黃鳥蹴花時近人酒為得
 歡當樂飲客雖非伴且相親朝來羣小詫吾舅二老至
 今仍皂巾

魏 觀都昌懷蒲首山舊隱詩附江霧仍為雨山花故
 作容秋風餘鼠雀寒水落魚龍慷慨心多壯羈棲力正
 慵白雲菴浦上悵望最高峯

周順侗葦川竹枝詞附太平城蹟近南湖故壘蕭蕭半
 有無三國不知年近遠居民空自說孫吳 雨過涼生
 夏五初沿街聽得賣春魚呼童更費新溪酒月白風清
 一草廬 艮思堂詩集

南鄉港口圍距城五十里 密崖有百巖菴僧大雲所建志
 羣峯簇翠按舊志龍宮虎穴人跡罕到列有八景曰方丈綠
 洞錦屏石摸月峯烟鎖溪雙乳泉問天臺留雲坪睡仙洞
 荳尖山有普月菴 七寶橋有屈家堰望夫山在北有七星
 菴故紫衣 府志望夫山木葉盛夏中斷如剪俗謂望夫婦人
 指爪所插菴祀望夫七娘按總志有石似婦人
 楓樹嶺有十字亭 皇華橋故龍橋滙雷家橋水入河有驛
 有港口舖

蒲圻縣志卷四 鄉里 港口



港口

路驛

東
 皂界

田

田

田

望夫山

紫衣菴

龍宮



蒲圻縣志卷四 鄉里 港口 二

李曰瑚遊百巖記附截浮屠師大雲和尚為百巖開山祖

余毀亂時曾面其人目其偈頌未趾其地也癸丑冬偕

竹村誠齋往訪吳君松園松園指霄漢間霧雲幃障奇

峯隱現處謂余曰此百巖也遂欣偕往走數里抵山麓

有寺曰羅峯少息足焉由寺左循脊而上徑寬可尺餘

兩旁峭壁邃壑隨行者之邇遠為深淺而深谷中竹樹

翳閉有塔巋然則大雲和尚舍利寶藏也塔旁有石起

立如屏高十尺廣倍之平削可鑄過此乃得庵跌坐山

門望天如甕口左覆釜高聳為問天臺右銳錐插空為

摩月峯前有谿如門戶嵐霧蒼茫白晝如昏為烟鎖谿

下視澗壑古樹如百尺樓上凭欄看池中蒲荇芹藻等

物庵後危石千仞俯瞰如龕覆屋上垂垂如將墜者巖
半有洞望之深黑則雲公卓錫時結趺處也少頃僧延
入茶視方丈及故禪床杖拂環牆外泉聲四達如潮引
流注釜誠齋松園援杵叩鐘噌吰既歇而谷應良久不
散洵異境也時日浸晚擬返旣戀戀不忍捨去又回思
登陟時情況慮難爲下迨至山頂賀子具酒饌以待心
暢神發大浮十數白遂乘輿棹臂聯吟近數十首竟抵
山麓此遊可稱大快昔香山柳州諸公盛稱匡廬鉅鋸
愚溪之勝而不獲覩此昌黎登華山不得下至作書與
家人永訣時又無以酣飲聯吟之策授之者不均足大
憾哉是夕與諸君刻燭分賦以龍山靈而以記屬余故
述之

蔡潮港口舖詩附夜雨長安路三年兩度過閱人松
尚茂憂國鬢先皤故舊咨詢遍寒暄感慨多六峯亭自
好奈我別愁何


釋宏濟自巖山居詩附白石以前在清泉之右居呼雲
環竹榻引水遶茆廬古澗流新月小窗吞太虛應知藪
澤柴盡是更無餘

南鄉洪石圍距城六十里 羊樓洞產茶有松峯有分水畝
 有石人泉 通志洞距縣六十里東有石人泉 石珠山有寺唐時建在蓮花洞
 下因名 府志西有蓮花洞洞下有蓮花寺 鐵爐坪有大福山
 有小源寺 係岳州員通寺分建 港口驛有萬年菴董其昌題額 寺有旃檀佛明
 崇禎三年知縣林增 志建雍正五年重修 有瑞麥亭 見災異 有萬年橋故望湘一曰
 瑞鸞 通志新溪河源按舊志嘉鳳瑞鸞 茅家港有橋 邑人賀貴修

蒲圻縣志卷四 鄉里 洪石

石洪





蒲圻縣志卷四

鄉里

洪石

魏說蓮花洞記附蓮花洞亦小景也然自港口上下

數十里內山之可以容人裁剪物色增飾成好者則惟

此焉一石蓮倒垂洞之中左右相距崖數武內則又加

數武而廣可容一佛座外則寬然坦然可香案可拜臺

可亭可門疑亦造物者之所設以待有心之人之物色

之者然其由來亦不知幾千百年蘿封草沒面目不見

至楚南居士始一拈出之為奉大士像然亦草昧未竟

厥好余一日與崑岑楊丈約會于茲崑岑以先一日至

一見流賞與洞生指點規槩當作何剪裁作何增飾不

啻指掌余次日至其流賞與指點一一與崑岑不言而

合焉余兩人是以共捐貲再加葺飾

鄒應錫石人泉記藏自羊樓洞遂上連山四合如仰蓋
山之北絕頂一石如寄飛舞欲來山之南一石據其腰
如墩堦軍士延頸四顧此二石可望不能躋也各石人
者卓可三十尺突起平野雖有根已斷若不相屬上復
一石寄其肩土人謂有致之者語甚奇側視如羽衣道
士長襟曳地旁一石薜羅密覆從石人側橫視之又如
將軍臨鞍顧盼又五十步始得泉周環可數武索水源
不得詳視皆湧地出如沸鼎泥沙覆於其上頗混濁坐
久偶如鏡者僅移瞬耳槩管聲皆從十步外流水中聞
之從泉上復觀石人又如金仙氏前法立者以是爲石
人泉云

魏 說港口雙橋記藏邑大夫可任林公以南宮大魁
出宰吾邑其文章政事古之循良其慈悲利衆今之菩
提種種懿美他日當有別紀惟茲二橋距邑六十里而
遙環萬山之中開一線之路其上則滇黔粵蜀有事于
二京各省凡從岳陽出者則以蒲之港口爲武昌之戶
而入下則二京以至秦晉齊梁江浙閩廣有事黔蜀凡
從武昌入者則以蒲之港口爲武昌之戶而出而此港
澗水衝咽醜爲二渠秋冬爲觴濫之淵而春夏水漲有
項羽破章邯之勢是二橋之作不可不岌岌者乃二橋
之圯將近百年夫百年之中豈無動念者而何竟無成
功耶迺公大慧力人大慈悲人甫行部至此遂油油動

念此一念之動決如機發堅如金剛此一念之動平地
九仞人天共說問諸耆老者老共此油油也問諸士衆
士衆共此油油也金不募四方農不妨時務四月肇端
十月告成

張開東紙棚記附邑南山之東有地曰紙棚左有洞右
有泉其居人曰鄭氏凡四十餘戶除數耕者外悉以造
紙爲業其法取稻藁漬而舂之暴於日而以練水簡其
穢惡復漬於水乃去其筋絡而存液采構糲漿和而漚
於石窠延江南工人批竹篾如絲爲簾如其紙之式置
於木匡以手納石窠水中水之精浮結於簾上者皆成
紙胎覆於板疊而累之如其數乃榨去其水而揭之以

蒲圻縣志卷四 鄉里

洪石

四

分布於焙旣燥則又疊而累之亦各如其數其棚在宅
之外泉之下或覆以瓦或以茅夾澗而處凡造紙之具
悉庀焉時以竹筧乘泉而瀉於石窠不用則去之朝夕
治棚下者約百餘人每歲值可獲五六千金凡此數十
戶一切食用皆取給於此夫吾蒲之托業以遊於外者
重趼走千百里別父母妻孥終年不一見爾取本地之
息者或掘山以煤或析木爲薪或裂石爲砌爲坊爲柱
礎及鑠而爲灰又多戕賊其本生之質而耗其氣孰若
茲泉出之不窮用之不竭因山川自然之性而順人物
曲成之材且免於跋涉險阻之勞使家人翕然聚首無
復有流離悲憫之意則紙棚之爲利也豈其微哉雖然

蒲故有名紙見於傳記余不及見久矣今乃爲此縷粗而色闇者豈嘗非其地歟抑其法故不傳歟否則用是物而知者希歟是可慨也已余過其處始得見其人備述其事童子復導余至洞口深入數丈其下皆水有魚浮沉不可測蓋與泉通或曰其中有龍然居人墻屋皆偪臨卒不爲害去年有龍從山脊出問其名皆未有余乃標其峒曰涵濤泉曰漱穀并敘而爲之記

廖 漢羊樓洞詩附萬石如羣羊山光落天宇我來溪上月蘿陰滿巖樹 誰知龍角原更有羊樓洞溪水抱峯石日夕嵐光動

廖岐南詩附春洞倚雲開花溪人自來溪流繞巖壑何

蒲圻縣志卷四

鄉里

洪石

五

必賦天台

廖道南詩附春洞鬱岩堯山房鎖寂寥古松盤白石叢竹上青霄嵐氣長籠檻溪流半沒橋靜憐霞外侶側望斗南杓 萬嶂入羊樓雙溪繞鳳丘天開珠洞曉月旁石潭秋翠入梧桐秀香來蕙若幽登臨一長嘯月夕紫煙浮

胡堯元九日登蓮花峯詩附嘉會羣英在躋攀上翠巒衝風吹帽急拂石坐雲安碧樹煙中小黃花洞口寒塵襟聊一放大地識吾權

王 圻蓮花洞詩附巉峭古洞中幻出秋江玉花開不計年雲氣光如旭瓣瓣如可摘愛之不忍觸昨夜月明

時蓮子滿山谷

劉觀海遊蓮花洞詩附遺興探幽勝拔崖踏草萊雲封

仙峒古石幻寶蓮開斷碣悲陳跡中有魏楊兩公石刻荒龕問劫

灰蛟龍藏窟底蜃氣儼樓臺

蔡潮港口驛詩附洞庭倚棹候南風憶得蕙川在眼

中草草三年江上別懸懸千里夢魂同新梅點水冬將

盡羸馬衝泥雪正融無奈長亭寒日短暮雲山寺起疎

鐘

吳士玉萬年菴詩并序附法堂有歇心處三字董宗伯

視學湖南所題近為無知者毀去姓氏余囑蒲圻令張

君修整之橋外雙溪合奔流觸石喧荒菴喜夜寂高

清北縣志卷四 鄉里 洪石

六

枕聽濤翻洗鉢持清課看碑識舊思思翁題額在長與

鎮山門

錢陳羣詩附古寺依山徑惟聞鳥雀喧苔紋雨後長貝

葉風前翻覽勝回觀俗題詩為紀息竹床聊引睡清夢

到修門

劉壩詩附蘭若人耽寂軒車避客喧淨緣來一憇塵

夢尚飛翻洗鉢龍依法棲簷鶴識息勸師勤講誦莫倚

屬宗門

邱今芳萬年橋詩附紺宇平開擁象王雙涵冰玉水生

光虎溪清繞達官道鯨背高臨選佛場憶昔拈來蘆是

筏只今鞭得石為梁駐聽鍾磬晴烟外幾度聲聲送

而樂捐輸効奔走則又邑人之深契於余而能相與以成也凡費六千緡有奇貢生陳杏昌武生謝上恩等職勸捐貢生游步雲陳光聯司出納監生陳脩榮武生謝得魁辦物料而謝上恩陳脩榮仍同武生陳逢清監生王明福視工焉是爲記

朱珪青園書屋序附蒲圻白菴張君讀書茅山之幽行高而文深頡頏乎古人而兩忘萬物行隨雲氣粲然見其山川乃躋武當蹴祝融闔太少之室懸繩束腰西攀太華之尖北陟五台恒山東睇日觀江淮河海若鈎帶乎厥趾蓋有年矣雪然嗒然曰嘻是其瑰奇蕩不越吾青園之樊將憺然休乎故山朱石君聞之曰君之

蒲圻縣志卷四

鄉里

白菴

三

游約矣至矣蓋伸舒三年不窺園而子長足跡遍天下鄒衍大九州而化人觀一芥自其外者游之將萬漏而一掛也自其內者游之則雲夢不足帶也今茲屋也雲峒覆其上翊然而白虹翔水洞環其下漻然而玉乳瑋青黃之峯屹如雙闕千屏萬几攢環而駢列亘百餘里君率鄉族之秀嶷者朝哦夕肄何跂乎草元之廬而通德之里也雖然君攬江山之逸氣博涉數千卷爲文章翹乎一世而不一當於有司乃放乎汗漫之游而返乎沈瀟之居方今羅羣雅搜逸書老師宿生蒲輪連車君雖逃空虛安得常羊乎菴川而以青園老也乃作拓隱之詩其詞曰青園之東兮連山礪礪君讀書兮瞰初升

春鳥鳴兮山丁丁
山中入兮誰爲朋
青園之西兮洞庭
泔泔秋風滔天兮
擊桂櫂君讀書兮
秋月照山中入兮
樂窈窕青園之陽
兮喬松插天盛夏
孔楸兮葩林爛爛
君讀書兮攀芳蘭
山中入兮癯而仙
青園之陰兮般虎
窟江漢滔滔兮白
日汨君讀書兮映
山雪山中人兮粲
華髮青園之上兮
雲濛濛洞翫翫兮
裊空君讀書兮穿
雲權山中入兮心
冲融青園之下兮
水活活洞繚繞兮
鳴環玦君讀書兮
枕且啜山中入兮
忘飢渴

魏 詔重修凌巖山白龍寺記附郭外三里以西爲凌巖山
大士菴又曰白龍寺踞鳳凰山之左腋四向圍繞
如帶石磴千盤而上忽入林谷間廣袤已數頃菴設舊

蒲圻縣志卷

鄉里

白菴

四

矣起自唐宋盛於國初泉源在左靜涵渟注初不知其
爲異也成化九年歲大旱邑侯葛偶叩泉以禱經宿水
湧泉出翌日陰雲四合忽視白龍從泉出昇天霖雨連
日嗣後邑人禱之輒應遂以白龍名泉并以名寺志異
也先是大士像歲久弗飭僧思改塑昕夕頂叩早遇檀
越一日遊郢中不意已發楚端王夢王徵僧至惟夢是
符立捐貲命冶范金爲像越三百里遣璫使昇至供奉
至今傳有令旨云舊祠有漢壽亭侯名勝之地亦久爲
靈異時萬歷四十七年歲己未適遭灰劫可憐焦土雖
林壑異勢怪石幽泉映發清遠而茅屋數椽神容剝落
不堪荒蕪也越六載爲天啟四年甲子余自江右歸與

邑大夫吳可先言之吳君卽起爲余言先是辛酉祈雨有獲事已念感鳩庀因余言益摯遂捐俸若干余亦搜橐出俸餘若干并邑人士鄉先生共捐貲若干余董其事暮年而告成殿宇三區垣墻四固佛座最上大士宅中關聖臨前丹鏤飭其門楹僧寮環其左右噫嘻亦數百年來偉觀哉

張開東觀音石記附青黃峯之陰爲牛安山其山皆石甚峻傑其南有石屹然狀類觀音故稱觀音石余昔望之而作賦者也顧遠視第識其槩今夏四月過之訪於野人曰此石佛明世供謁最盛其後風雨暴怒雷擊碎其首久矣及循谿徑攀援以登飛崖壁立薄人眉睫童

子顧之有難色輒欲返頃聞上有人聲趨而往則松間數婦人采草采葉笑曰君何爲至此遂告之故且問之彼仰而指曰此石是也手捋涼樹杪以解渴余乃立而熟盼其形全具無虧損下博上末銳如削層髻似戴蓮花巾頸後髮如小束面西南向閭閻欲作笑語胸前白溜如帶高聳數十丈莫可狎玩余惟觀音書冊無考偶見於雜說俳優不可爲據唐吳道子所畫滇南石刻神采如生吾邑鄧君守馬湖得黃金萬劬鑄其像舟載出三峽立於大沙洲寺士女祀香帛迄二百年又南鄉蓮花峒石乳滴成蓮花花中有石觀音人爭題咏他若普陀崖在南海大洋好事走萬餘里往返經年不辭勞遠

非爲是耶茲像寂寂老於荒榛無一問者昔之供謁者
既絕跡以去野人日在肘腋恟恍不得其真而遠方游
覽之士又畏險阻不至蓋其所遭之地時然也或曰當
秋空木落樵夫猶拜祝之悲夫

張開東黃茅山賦附維彼黃峯之峩隩兮匪楮毫之可
傳抒胸臆以竒構兮妙體勢之自然觸盤紆以蜿蜒兮
氣翬龍而上天羅列岫於在宥兮未可仰乎崖巔肇祝
融之蘊苞兮蕪湖亘以崑崙擁層積而陁絕兮藐堂紀
之特出祖礪礪以逼迨兮綴陬互以璇室蒼芋芋而朝
濟兮靄曛曛以夕入雲澹澹而空明兮影隆隆而鬱嶧
元理膠膈乎重基兮瑰璋滋而孕生金銀醞以渥飾兮

賁若太阿之夜明濡天池之玉液兮仙掌直撐乎太清
恣元暝而妖異兮駕虹霓其乘輿與奧窔偃蹇而中虛兮
緘寶籙與丹書浮囂沉沉頽不得升兮乃王喬之所居
其陽多山其陰多水環壑經邱摩盪千里北枕大崖南
屏金紫排以龍岑扶以亭止幽蘭望鶴雪峰連子雲臺
白鹿芙蓉華鮮金桃溶溶爰有二泉鳳凰偏髻蒲首迤
邐洪山王子直走西川莫不垂面俯首危如遁維降如
伏虎投彩獻珍一空萬有背負牛鞍斜迤豐潭儼節赫
其無儔巉石脊之稜稜或似龜龜或類獸禽幽幽冥冥
鬼疑神肅若紫塞環朔邊色愁苦又若萬馬千軍啣枚
不語左脅石屋寶維李公右廻玉枕兩洞饒穉重樓疊

閣莫殫其終石縫凍乳滴爲白雲鐘磬花卉靡不具陳
若夫沅湘洶湧以入江兮大江如練而北飛潛沔灤以
俱逝兮夕陽時聽乎寒磯覽山溪其如遂兮沙粼粼以
清碧海船折以帶絡兮若北溟之抱碣石輕舫循岸而
容與兮旋耀蕙蒲之光澤值春陰之零滂兮增隴澗衍
而瀟灑檻泉沸若星宿兮沫潼潼以湍瀨瀨濺濺而齊
赴兮深百谷之交會汨汨滔滔伏行山底漱膺濯胃蠹
出廻龍之外若夫被晴嵐浥沆漑嘉植羅生糾枝聯蒂
歷歷兮崖間迎人多態唐棣麗葩華連英翹翹荆楚玉
竹黃精丹楓駁梓赤樾蒼梧莖荼薇蕨茅如柔膚谷蘭
春秀嶺菊秋揚散綺披靡戎戎煌煌不可勝采但聞藥

蒲圻縣志卷四

鄉里

白菴

七

香若其虎豹嘯風豺兔戲羣貉眠狼跋麋鹿紅麝香狸
九尾白狐千齡獵人求之不得托穴隙以長生華蟲朝
雉子規夜鳴黃鸝覘睨載好其音鷹鷂鷓鴣啄木震林
離鸞別鶻集止將翔鵲鳩喧噪乍陰乍陽雄雌相失獨
呼達旦靜夜啾啾使人腸斷積暝日久雲蔚高陵迷離
中原渾不見人靈隆搏樹蛟乃出騰昏墊幽隧時生魑
魅牧犢先歸草木清翠虹消新霽藹媚嬋娟清晨視之
美女削肩朝旭未及照宿霧猶聚巒海逐風冷中有神
仙逮乎俄景之將匿兮試披襟以獨立嗟江浦之浩浩
兮西風吹予何習習朱霞爛天兮暮暮雲空江波赤兮
駭魚龍蜂揚揚而不息兮髮蕭蕭而爲蓬日以下兮山

以高情所見兮惟飛鴻爰飈馳於眉睫兮儵去來以絕
踪寸心知不可奈兮御元化之無窮臨廣莫兮追遠道
盱河湄兮傷靡草悼游子之不歸歎玉門以將老霸轍
西戎王宅汾鎬盛年未逢壯首皆皓英雄賢聖荒榮蔓
繞無故念之自生煩惱軒轅玉女隱耀雲間仙侶遨遊
神依往還摘蟠桃之獻梓兮奉琅玕以沃顏青鳥信以
報召兮答予慙以不聞須臾之頃流光濛汜四野人語
清音入耳虛谷生聲湫兮如雨不見其底緘柯擢吟若
行若止萬籟齊作石噴泉咽婺婦亡人灑淚泣血嬰兒
求母呼號弗及送客離亭主人辭揖踟躕邱隅旁行太
息太息未已乃歌三終歌曰黃茅之巔帝子游兮婉如

蒲圻縣志卷

四鄉里

白苑

八

清揚不可求兮零露溥溥悲日暝兮采彼蕙蘭懷之永
兮再歌曰造化爲工山澤修容風雲魚鳥離合相攻至
人遊瀋撓挑無極張虛葆光蕩滌昏塞飲露餐霞神采
渙發被服六合與天不沒用智不斲哀樂亡形胸貯八
荒瑩若列星浮雲卷舒宿太乙庭靜攝靈樞以培天根
物化長寧歌既闕仰天望推死生窺色相安性命志條
鬯索尋大道超凡軼塵自古修德流風萬載以俟來人
吳 童蕘塘詩附陂塘煙雨淨千頃人虛無飛鳥落明
鏡遊人在畫圖紅疎蓮暫放翠密荇全鋪今日陪陶謝

高陽一酒徒

廖道南白龍寺詩附繫昔藏書地于今三十年燕巖棲

竹日龍洞貯蘿煙洗硯朝臨石焚香夜對禪問奇誰載
酒吾欲草吾元

魏說詩附傳觴石室迥選地白雲幽酒爲聽鶯醉人
因看竹畱林嵐籠笑語天籟答歌喉與洽淹歸騎山山
夕照浮。

謝鵬舉詩附勿別禪林老再登躋攀無力怯嶒嶸暗思
舊寓傷陳迹細指荒丘問故僧雨過園林聲浙瀝秋生
巖壑氣嚴凝紅塵奔走成何事欲學參禪悔未能

魏樸如詩附十里招提結伴遊紫萸黃菊坐高秋池涵
水石龍湫靜山挾雲霞燕洞幽眞梵暫依雙樹聽賞心
多爲一尊畱興闌遲引巾車出明月千峯滿上頭

蒲圻縣志卷

四鄉里

白紉

九

王鼎彥詩附晴煙生片石春色照清溪路入蘿陰合峯
懸竹影齊看雲隨鶴去坐樹聽鶯啼巖際開松院山僧
龍共棲

李光炳同邑侯江公式繩遊大沙洲詩附出郭尋幽勝
晴沙襯馬蹄年光新物候春色點寒溪平野隨洲闊輕
雲帶閣齊君侯頻載酒笑語動芳畦



蒲圻縣志卷四

鄉里

官田

西鄉官田圍距城二十五里

麟趾嶺有風潭

通志嶺右爲牛鞍石爲官

田有海船頭石

詳黃龍

獅子山有包公堂有冷水港有橋有繫

龍埠

黃峯有青山菴有牛鞍石有龍塘角

五經山有五

經堂

有謝長慶築堂記

有南海塘有法澍菴有東海塘

神明山有

獨石壠

有一石立於壠中故名

有石馬壠

鳳山嘴有涼亭有洞安橋

有李公橋

三官湖有堤

堤北爲殷家湖堤南爲楊家埔西爲黃泥湖

有港有三

星橋有七星橋出大陂口入車埠河

龜坑港有新橋有老

橋 鼓笛潭

潭上有石似鼓一潭一贊有記

有菴

明馬登鑑建後九案重修

高麓山有伯

公廟

有渡船

一在繫龍埠一在鼓笛潭



北



蒲圻縣志卷四

鄉里

官田

謝長慶五經山記附窮經將以致用也詎曰博取科第

哉顧自專經取士而窮經為登進之階登進即以顯窮

經之用家司馬公明正德間以詩經中嗣是昆季祖孫

相繼登第者凡七人惟余不肖踵伯兄列明經抱先人

殘編構塾斯山陽友教子弟從遊者各授一經已而猶

子登啟暨生徒王祚垣馬之鵬輩以詩以易遞登賢書

愈嘆經術果不悞人而為之顏厥堂曰五經堂命厥山

曰五經山是山也面伯公坪腋對眠山襟二海南海塘東海塘

帶三湖流霞三官鴨兒麟鳳龜龍效其靈麟趾嶺鳳頸龜山龍眠山虎豹牛

馬壯其威虎山豹兒嶺牛眠山天馬山俯挹流霞湖蒸霞坪之瑞仰

承青峯黃峯之雄左列法澍庵之森森大木右聽鼓笛

庵之泠泠清音星辰焜燿乎一礪神明山顯赫乎西案
山扶輿之清淑環集淵嶽之靈秀特鍾從茲人文蔚起
登斯堂者窮斯經得毋流連乎斯山

敖一瓊鼓笛潭記附尋川自洪溪而下匯成二十四潭
西流百餘里至六溪口始出大江余嘗從石魚潭一路
看其波折黃龍接壤處有風潭突起雙峯如日月懸於
天半五里至鼓笛潭孤峯峭立與河北龜山遙作拱揖
之勢斷岸石磯插出波心而水撞石竅錚錚乎如湘妃
鼓瑟淅瀝斑竹之聲浩浩乎如塞上鳴笳風音悲涼時
有揚鬢大魚曝腮石上以游以泳閒聽好音乃知昔人
以鼓笛名潭爲不虛且岸南建一佛寺高倨峯巔青松

蒲圻縣志卷四

鄉里

官田

三

蟠列掩映白波若天寒雪飛而層崖深護暖氣生焉及
當盛暑又覺涼氣鬢鬢大袖山間四時潭前萬頃造物
之貽人者遠矣有詹坪高士馬孟弼隱居潭上三十年
前余小艇過此聞石窟中有高吟之曲恍與鼓笛潭聲
相間而作遂泊舟見先生披鶴氅持釣竿繫紙筆於釣
竿之下藉魚袋爲詩囊余同坐石臺酣談竟日薄暮邀
至家烹鮮魚出新詩一卷名鼓笛漁歌自是先生願訂
交吾亦樂得滄江釣客半綸持贈義諾千金先生有玉
良高風而吾非陽明之學顧何以偕於大道也今再過
此山是舊壑水是舊音釣客獨不見於山重水複之間
悲夫吾思潭稱鼓笛非真鼓笛聲也天下惟真可久而

虛聲不足傳然鼓笛器也有器必有毀敗則真鼓笛反
不足傳而似鼓笛者足傳矣似鼓笛之聲而不必藉鼓
笛之器是山水清音出乎自然也釣客以性情實之而
又借山水之音以實而虛之人知實者爲實而不知虛
者之更實矣此之謂詩卷長留天地間

張開東二月登青黃二峯因遊青山菴詩附雨雪連三
月晴光見二峯緣溪聊曳杖隔嶺有鳴鍾巖巖含烟嫩
林花覆酒濃老僧無個事日夕倚高松


張開東過老益堂贈謝十丈璜溪詩附老益千齡合霜
枝滿苑芳高談春草夢猶憶五經堂

老益在五經堂左

羣季文

章伯朋從詩酒狂不登先達墅誰識澤流長

蕭橋



蒲圻縣志卷四

鄉里

蕭橋

西鄉蕭橋團距城二十五里 獨山有橫岡畝有蕭橋合冷
 水畝堰出白馬橋有廟有陳家湖有瓦密港 通志又府志獨山孤峯特秀
 香山在偏髻山東有寺明嘉靖中建 舊志邑人馬練建有香爐古蹟

蒲圻縣志卷四 鄉里 蕭橋

二

西
田



斗門



東蕭橋界

蒲圻縣志卷四

鄉里

斗門

西鄉斗門團距城二十五里

感山有勝水寺明宏治中建

邑御史黃玟建為土人所觀音寺在黃茅山右有永鎮菴一

曰黃泥洞明宏治中建寺近黃泥洞其有心山社明季潘之

等三十八人講學於此歿仍祀於社有雲墅橋經斗門陂出羅田橋明宋時芙

蓉山有長泉寺有大羅湖廣興記山距縣四十里峯巒秀麗

徧髻山有白衣閣有玉蕭山通志其下有斗門陂廬山有廟

在小羅湖上 息壽橋合二湖水入河

斗門

嵐嶽於尊右兮有鳳翥之崢嶸臨晶森而于霄兮毓秉
德之羣英爰繇爰止乃萃乃蒸其東則有汪洋巨公其
南則有石門文學其西則有王官大夫其北則有河濱
長者其中央則峙菡主人有篁篔在焉屬四郊之光融
有平湖之萬頃羅四甫而咸賓羗縱橫而辨論於是汪
洋巨公襲粹襟之艷服曳霧之雕裳逞英茂之劇談
肆玉屑之潏洋磅礴而進曰吁嘻芙蓉並天地始夫何
歷年億億徂秋穉穉遺跡蕩然勝事靡紀譬之沙鷗唼
喋於丹蘂蜉蝣馳騁乎淪碧前人之不聞恐視今之猶
昔吾與物理之有盡乘韶光之青葱借羽士而攬秀携
緇流而凌空探茲山之豁訝訪太古之瑤桐登磐石而

蒲圻縣志卷四

鄉里

斗門

三

遐眺氣魂魂而熊熊則有矯鳥樂乎新晴艷葩灼乎幽
徑來芳風於瓊圃徹高韻於遙聽若且以爲奚適也維
時石門文學端然危坐高冠崔巍長佩陸離正容而言
曰若子所云襲典午之陋風好莊曇之坐遁者也曾不
知芙蓉之獨異於羣邱乎石蠢蠢而侵蒼水洞洞而環
襄不染乎陽平之室不滓乎兜率之堂夫空空之論可
以醒役役之醒而不足以啟昭昭之嗜非非之樂可以
藥硜硜之痼而不足以奪蕩蕩之腹子獨不見夫芙蓉
之隈曲兮有森卉之郁郁文豹藏而雕虎伏兮走狐豚
之喙突夫人久而不泯也懷宏編兮歷陸振人倫而不
頹也備古儀兮經曲苟隻文而遺矚也等頑顏於湖目

是故雕宮可謝而文園不沒霸圖可荒而觚稜炳煜
將擴其支瀾兼其餘縷折茂先之英舌緘彥升之博口
著汗牛之異藻鐫芳姓於岫嶺然後退而緘其書於茲
山之石庶幾傲天壤而爲府也而不知王官大大則胡
盧而莫之止也其天軒軒其徒更更金佩曜日長劍倚
天振振而論侃侃而前曰子曰馨歆於芙蓉之下而未
知芙蓉之所訾也子聞之乎山無取乎大而無偶人無
取乎介而無徒相彼芙蓉左右前後歸歸扈扈罔非陵
阜絡繹連蜷陪側相導出旅邱而獨尊友旅邱而旁紹
時出雲而膚合徧霖雨而滂浩匪孤特之獨稱合羣罔
而受號山旣若茲人亦宜然澤不周物徒營乎蟪蛄之

蒲圻縣志卷四

鄉里

斗門

四

窟功不在民曰葆乎參脂之真且夫吾身之大以同戚
爲顛以同動爲趾以同資爲毛以同嗜爲裡參爾大而
呼吸登高靈而偕美子徒蠹於微編之矻矻縱成脉望
而無所取也時則河濱長者捧腹而嬉姍爾而笑曰甚
矣其大而失居也夫善發者不發持之審而發者達善
動者不動靜之極而動不窮吾觀夫芙蓉一寸之石可
興萬里之雲一尺之谷可暢九垓之薰蘊明珠於羅之
淵氣賁津躔藏寶玉於山之腋精變白日且夫木必有
根山必有趾根惡其挺暴趾惡其躁起芙蓉所以久而
未顯積而日章者以其庚庚然實也天非實則歇地非
實則蹶一粟非實則一粟爲糝一瞬非實則一瞬爲鬼

吾與子亦各反於實而已矣四子各建若說莫適是也
咸以質諸峙齒主人主人乃胥四甫携酒而周覽焉相
與眺於山之東玉笋臨風遨遊其南如月之恒行吟其
西二驥騰飛顧瞻而北鵠警而華蹈乎其巔氣聯其跟
歌乎其麓聲應乎谷以爲山乎而環山皆水以爲水乎
而環水皆山乃慨然嘆曰芙蓉者水芝也當其爲密斯
函而萋萋函而薏薏轉爲密應候而成洞淵而出夫巨
公達矣達者芽也文學博矣博者華也大夫大矣大者
蕝也長者實矣實哉實哉蕝而華華而芽也且夫牽吾
一髮而靈臺爲之忡忡擊山之卷石亦連崑崙之氣而
匄匄據方而壹者喪所本而不通也於是援琴而歌曰

蒲圻縣志卷四

鄉里

斗門

五

石爲葉兮巖爲房巒爲葉兮嵐爲香履無往而不坦兮
合衆妙之可王時襍襪而耘耨兮亦被寫而借章可以
藏五嶽之大於吾髮之一芒可以噓半煦之氣溥萬彙
而爲漿時乎時乎靡所于方歌闋四甫塔然相視維是
松濤盈壑竹陰滿庭陶然四顧廓兮吾垠

馬士麟心山賦附嗟心學之支離登孤峯而徘徊撫遺
編以太息洵先軌之可懷念前盟之猶在何舊館之摧
頽商同好而共矢覺山林之遂開闕逢敦牂之年柔毛
困敦之月爰取材而鳩工斯堂新而構兀忽棟宇之重
光賴聲氣之應求驅予車於蘭畹馳予驥於芝邱諒行
藏之共有非佻達之同流取規勸之懿範訂知已於千

秋喜黃茅之翠碧卽白鹿之烟嵐擁菘竹之芳芬如武夷之溪潭洞庭供其攬掬衡岳獻其巒岡想風泉之飛沫悅雲壑之高涼玉霄對之欲語芙蓉挹之凝眸壘粥何殊長白捐塵不減羅浮羣峯拱而加舞列嶂峙而愈幽白雲飛兮繚楠赤霞靄矣穿櫺時笙簧乎墳典抱冰雪於遺經春風澹兮滿座秋月皎而長吟束躬防表之則歌肄南雅之音如登山而觀海若涉華而攀嵩步昆岡而采玉何追琢之唯工躋蓬瀛以眺望焉邱阜之可同携求聲之好友誦伐木之瑤章命相思之遠駕咸入室而升堂唯敬義以交修至明誠之相將與斯山兮萬古盟此心兮無忘

蒲圻縣志卷四

鄉里


斗門

六

廖 俊芙蓉峯詩附我愛芙蓉好青山飛白雲湖光浮鶴夢樹色落鷗羣翠竹娟娟靜丹荷的的芬石梁坐終日誰復共論文 我愛芙蓉好春深花木芳鳧鷖翔水檻麋鹿卧山房稚子垂絲釣村翁覓酒嘗興來幽意愜時復躡雲岡 我愛芙蓉好秋山照水心石門蘿月靜沙圃菊煙深洞有真仙籙泉如太古琴盪舟歸去也乘興度遙林 我愛芙蓉好何如暮景清煙蓑媚幽獨天鑒湛虛明藻密眠沙鳥林虛嘯谷鶯向來登眺處蒲樹碧雲生

廖道南羅湖詩附芙蓉山外大羅湖湖裏風煙興不孤月明蕩槩采蓮實流水香花泛白鳧

車埠



西鄉車埠圍距城三十里 有鎮故筒車埠 明知縣周洪讓

早因 廖氏碼頭在雞冠山前左有五顯廟 明嘉靖中廖道南

間廖恒久重修後廖庸書玉樽秉國等補 修碼頭濟渡康熙

修明知縣林增志建廟嘉慶戊寅重修 有天符廟 即祖師

中建嘉慶十 有心巷古申明亭有三板橋 宋元祐中建菴嘉

八年重修 鴨兒湖有堤有果老石 湖上煙墨石相傳 萬壽

門車埠以三 橋故車埠橋明崇禎四年更名有了王廟 明萬歷三十八年

板橋為界 郭公峯 在勾任南相 傳郭璞駐此 丹塘畝有仵瑜墓 磐石


橋乾隆甲 湖有堤二賢所築有祠 詳溝 小沙洲在皂潭東上有金粟菴

子年建廟 康熙中建嘉慶壬戌年 有雞鳴港產白蓮南有先生隴 港產

散復亭倡修有文昌閣 佳菱採者最早故名隴相傳明宋 有社倉 道光十六年實有

濂魏觀游蒲濂處此因各先生 正輪流經管 有社倉穀二十七石 北分領隨保

蒲圻縣志卷四 鄉里 車埠



蒲圻縣志卷四 鄉里 車埠

劉朝薦新建車埠堤橋記附截侯以名進士自黃安調繁
 蒲陽甫下車百廢悉舉諸辨大獄興大利革大弊凡可
 為民更始者無不次第布之忽十四團以水災告侯惻
 然動念即身履其地查視煙火若逃亡狀不啻數百家
 亟進父老而問之僉曰蒲固澤國而此一方尤甚上則
 濬源通城暴雨漲生洶濤湖拜而來居者不及辟鷄犬
 籬落豈為龍子宮也下則長江繇六口入一望浩淼牛
 馬不辨經半歲不去無論國儲不能為民策民生其魚
 乎侯心憐父老言周遭巡行延衰數十里盡斥鹵不可
 耕慨然捐俸錢若干移牒院司府報可各捐金助之侯
 躬為經始高數丈濶亦稱是不費民間一錢一粟不借

一夫稱租取給官家而又恐衆志之不一也率僚屬而矢之所不竭心以利民者有如日選堤長者督其事身五日一課省減騶從別勤惰每計圳上給以工價不少遲也纔四月役竣侯更慮衆流孔道內壅可虞中構一石梁梁下樹石門外漲則闔焉內蓄則闢焉居者行者耦俱無患侯心力隄防亦周密懷永圖矣

敖一讚雞冠山記附車埠山名雞冠爲鳳凰謙也縣治鳳凰山居蒲邑羣山之祖歷角弓翩髻諸峯盤旋二十里至車埠山一大聚河自上隽而下有二十四潭潑洄九十里至車埠水一大聚居民自縣城煙火萬家過黃龍至車埠結立雄鎮人又一大聚而山當市首挿起於

蒲圻縣志卷四

鄉里

車埠

三

清潭萬丈之表東望縣塔西望長江北望嘉沔南望羅湖四圍皆暗嶺惟此峯特立河岸上薄雲霄其上盡帶朱色舊名赤鳳山鎮上先達疑與縣治鳳凰相埒遂改名雞冠山夫天下山川命名有何大義而先達恂恂若此蓋以人之敢於凌上多因各物嘈雜今蒲城接鳳凰之麓故稱鳳凰驛若復以赤鳳名山則上下相抗非所以端大體也各分一正由鄉而縣縣而府府而省一路直戴皇都則以山川之靈而明天澤之義俎豆衣冠事無粉飾鄉野頌禱人無譸張古君子居約之道爲足風矣余聞里中紅兼山先生親受業於陸稼書之門先生歸里講學雞冠山下一鎮各士盡受甄陶而人才

鼓舞之盛每當考期闔鎮七八十人同日開舡諸前輩
冠帶送至河上拜別殷勤雖市中小兒亦羨讀書樂境
今談鄉風而故老無復存者蓋其盛事爲已古矣曩建
斯鎮逐末者少後來商舶四集居人改業縱有戴儒冠
稱藝林者歌臺酒肆輒發高聲敢於薄前型而議先正
君子懼焉嗚呼前人事事守約卽山名不敢僭擬一時
文教駸駸日盛後人自矜才華濡風俗以爲厲階名實
成敗之判不可斷其所終乎易曰地山謙又曰卑而不
可踰此峯雖高而下臨於河上非謙以居卑之象乎惟
前人能以山謙而山象亦以謙著矣吾望後之君子思
舊德而挽頽風方無愧於故里名山也

王應斗車埠詩附昨夜江頭臥僧閣三更彭彭鼓聲作
道是龍船開首時兒童拍手爭歡樂端陽猶隔兩旬餘
技癢先期難束縛屈平忠憤本難平所幸千秋不寂莫
究竟繁華踵陋風翻因弔古成消削朝來歸艇放中流
兩岸桔槔聲繹絡商羊不舞田疇空又見追租人叫索
憂長樂短實堪吁那有餘功競喧躍家園習俗總相若
惟正不供供浮薄紀事傷心淚橫落



蒲圻縣志卷四

鄉里

白駒

西鄉白駒圍距城三十五里 四顧臺有磐石湖 通志由嘉魚石頭口

人江府志在 車埠畝有白駒橋 接里湖在阜潭西 通志相近有錦

北岸入江 湖真湖沙陽湖螺螄港湖 俱由蒲圻湖北岸入江 觀山灣前有柳山有湖 其山循江壓河而來

形如旋月塘山在西北 界石有潭蒲圻嘉魚分界於此 通志

施舊志 蒲圻湖及諸湖之水咸 滙於此有石屹立水中



蒲圻縣志卷四

鄉里

白駒

二


廖道南柳山湖詩附柳山湖接上下里日入遙林暮山

紫湖上人家住鏡臺茅屋參差煙水裏

廖道南真湖詩附湖到江邊出六溪溪中水漲碧天齊


公無渡河煙浪闊不如歸伴山雲栖

墳



蒲圻縣志卷四 鄉里 黃土

西鄉黃土圍距城四十里 阜潭有中洲有黃土潭阜潭水 族窟宅
漁舟畢集 見舊志 大湖在黃土坑中梅湖在北 荷葉塘有廟 有
 畢家畝 有思壽橋合楓橋斗門水入河西有平樂山有潭




蒲圻縣志卷四 鄉里

黃土

二

廖道南梅湖詩附梅子梅子落如麻千樹萬樹飛幽花
 花隨流水去不返獨有仙宮栖紫霞

楓橋



蒲圻縣志卷四 鄉里

楓橋

西鄉楓橋團距城四十里 大山垵有靈濟觀右有兔兒尾
 山有湖 仵解山仵瑜所居活湖在左有范包山六义港合
 楓橋水匯於此有王子山 通志范包山在縣西北盤石湖西
 西北臨黃岡西臨大羅湖南臨黃
 盒湖其東南相連者曰月塘山 九龍山有寺有司鼓山九隴水所出俗謂九
 龍口 大名山有王家畝有栗木橋 有社倉穀一百四十
 九石

龍坑界

山解件

石相界

橋下

大山

龍

西

龍

九壠口

橋上

山鼓

山張

兔兒尾

湖

滄湖

嶺松長

蒲坑縣志卷四


鄉里

楓橋

二

龍坑

北



東

蒲圻縣志卷四鄉里

龍坑

一

西鄉龍坑圍距城五十里

活湖口有老虎坡有蓮池菴

龍坑湖有馬鞍山有潭

通志在縣西五里潭見舊志

伯公山有廟有三叉

港

有龍坑橋

乾隆丁酉年吳安國倡修



蒲圻縣志卷四 鄉里 龍坑

廖道南活湖詩附活湖活水源頭來天上銀河八月開
 牛斗靈槎窮絕域玉樓金殿鎖蓬萊


小柏



蒲圻縣志卷四 鄉里 小柏

西鄉小柏圍距城六十里 小柏山有雞冠石在松柏湖中
 窑嘴普濟菴故建小柏頂康熙三年徙於此 花園坡

蒲圻縣志卷四鄉里 小柏



洪山



蒲圻縣志卷四 鄉里 洪山

西鄉洪山團距城六十里 瑞雲山有大濟寺通志距縣四十五里其陰

為東港為樓下暇有秦國夫人墓近馬蹄湖按夫人張氏宋雍王李道妻以椒房封賜葬此

有諭祭文楊時撰墓銘 有七世同居義門明成化間為李圯建秦國夫人曾孫

李德潤居蒲守墓至圯凡七世百餘口同居合食知縣葛鳳儀申請獅子山一曰城頭嘴壁立河岸

勢若崩雲舊志洪山有寺宋淳熙間建通志平暇特起形若騰獅舊志一曰天馬山寺明萬歷間

邑人何思登修有蕭暇橋水經老屋橋出新橋入東港湖老屋橋道光乙酉年

姓騎龍山有廻龍寺東有東港橋匯鹿軸橋水寺創始無考

宋姓重修作家坡有永綏菴 冷家湖有永壽菴永興菴在睦里

暇張姓黃蓋湖三國吳所賜黃蓋者明洪武復賜汪清有滄湖本通志詳 有社會穀一百二十三石

胡堯元黃蓋湖詩附湖水西北流凍雲寒不收蒿里悲
橫客市兒憶太邱暮煙澹草木孤鶴自鳴秋覆手成今
古是非空去留君不見要離一杯土斜風細雨迷松楸
又不見杜鵑三月冷亂落遊絲原野頭

鄒應錫泛洪山張家湖詩附白雲飛逐遊人心小艇衝
瀾一帶襟蓮露穿珠花在鏡瀑流吞石響成琴頽巖影
上舟如躋吹浪光中天不沉莫羨東南履道里竹煙波
月古皇京

北鄉清樂園距城十里 東接上寺西接縣河南接南勳北
 接嘉魚 茗山產茗有菴宋陳求道死節於此 通志在縣北
十里產茗嘉
 蒲通 洪水舖在楓樹嶺左有橋 香石山一曰轎子山有香
 爐石有寺故丹邱古刹 舊志山有石鼎時似香爐故名香石
其側有石如乘又名轎子山明初寺
 名月邱古刹嘉靖中邑 人侍郎謝存儒重修 白嶺有菴霞落港在南有余家橋
 白楊山產白楊 志總 有青石橋畝水所出 營內在河岸有月
 蓋菴 知縣林增志建邑
人教諭羅冕同修 天妃廟故虞帝廟 見祠
祭志 有涼亭 謝立
勳見
 弟龍翔山在東或曰小朝川有六友山房有窪罇石 通志在
縣北里
 許上有窪罇石石方平五六尺中一口 周畫嶺北有湧蓮菴
 如幾可注酒上刻熙寧癸丑上巳等字
 謝永 獅子灣有樂兒橋 有社倉穀三十石
 璜建

蒲圻縣志卷四 鄉里 清樂





蒲圻縣志卷四 鄉里 清樂

魏珩如六友山房記附壬子之春予方強仕一覽侵尋以病予告四壁徒立無以自娛于是銷黃金之帶典朝回之衣稍營菟裘得城北之山房焉未敢希踪巢由不免支公之誚自號買山隱者山名龍翔負邑之陽河流中界斷隔塵囂振衣流覽令人有開襟坐霄漢意集其勝槩凡厥有五環蒲皆山東南諸岫最為奇秀排闥當門送青滴翠晴搖雨歇桃花金紫時現諸天芙蓉色相此山之勝也河水洋洋繞階如練支流左帶宛轉逶迤可方可舟可竿可綸富春漁臺渭津釣碣兼而有之此水之勝也山多白雲宋元祐好事者勒其石曰白雲臺坐觀雲起或為冠纓或為車蓋或為繒帛或為魚鱗艸

莽黷黷霏微不堪持贈而可怡悅此雲之勝也石號窪
罅其色蒼黝圓凹其內而方稜其外酷似三代秦漢間
法物別有峭壁懸巖古文奇字苔蘚剝蝕不可辨識此
石之勝也彌山皆竹菴葱如簣和煙韻雨舞雪迴風如
對湘川如棲嶰谷翛然蔭永和之觴漪然解子猷之俗
此竹之勝也隱者一朝而有之躍喜而狂曰之五者吾
山房勝友也使予不以病免方將抗塵容走俗狀簿書
相仍俯仰如韋能有一于此乎且山也水也雲也石也
竹也于福爲清于景爲仙于幽人爲邁軸于夢寢若安
禪始造物所秘惜視鐘鼎珪組若糠粃塵屋而不敢望
焉今予擲一官而易五友于臣俊矣造物者豈私予哉

蒲圻縣志卷四

鄉里

清樂

予乃構招隱之堂領略山水亭白雲之臺掃窪罅之石
營篠閣于万个之中覈元元談空空從事于軍持團焦
之業將挾五友以傲一世不覺其趾之高而心之遠也
呼童命酌倚醉狂歌醅醕隱几天地若失有兩丈夫者
碧衣偉幹欵予扉而詰曰噫嘻何子之不廣也爨下懷
音朝陽棲鳳凝午陰而銷夏逆商音而知秋吾何慙于
山房何負于吾子乃棄予如遺也且惠子之矇也是耶
非耶抑子之未聞道也隱者成然窳遽然覺曰是庭中
雙梧桐之謁夢于子也子如不言吾幾失子矣青山綠
水白雲怪石翠竹碧梧五友可六也盍識之作六友山

房記

龍黃



蒲圻縣志卷四

鄉里

黃龍

北鄉黃龍團距城十五里 望山或曰望高山 通志距縣北六里與縣相

望故 黃龍橋東有竹峯產竹 有鎮在黃龍山下 有潭石

磯在中上有石來寺 通志黃龍潭在縣陸水中岸有黃龍大鎮旁有磯按舊志有寺順治二年建

坡山有金雲菴 見舊志 有社倉穀二十三石



蒲圻縣志卷四 鄉里 黃龍


謝允璜石來寺文附吾鄉有香石寺地幽而僧貧黃龍
 有常清觀境雜而供朕貧不厭朕雜不慕幽固常人之
 情而出世者亦往往不得已而跡于是焉此山僧湛若
 之所以由香石而常清也初僧之去也吾鄉諸檀越難
 之余曰奚難乎佛猶水也僧猶萍也檀越猶津梁也無
 之非水無之非佛也無水無萍無佛無僧也無處無津
 梁無處無檀越也必欲滙水而勿束繫萍而勿泛一一
 津梁而勿更有是理哉越數年僧以誠謹著一方之人
 爭信之病其朱碧凋殘果愚狼狽又不宜以利而冒觀
 也議鼎而新之且易額焉顏曰石來寺著其本也因思
 太空本一物耳忽焉而有佛忽焉而有道忽焉而有羽

衣忽焉而有頭陀忽焉而謂之元都忽焉而謂之浮屠
分立名號各相元黃皆千聖萬祖所不能齊之教而予
一旦渾道而爲釋易羽衣而頭陀易元都而浮屠使雪
山柱下顛倒于寸毫片楮之間不亦妄乎曰緣也僧之
偶然而香石偶然而常清緣也觀之偶然而常清偶然
而石來緣也凡僧之所以期檀越與檀越之所以引僧
者總不外乎緣也持此說以告同志會見慳貪悉滅色
相俱空不朞月而改觀而予亦藉手以雪筆舌之業矣
鄒應錫海船洞記附從邑西行連山虎豹走百仞千仞
高低倏忽皆帶巖石雜小竹叢蘿以去可十里山忽反
噬然疾來河岸作渴蛟吸川狀河水到此忽渟澈遠視

山巒如舟土人名海船山山側塊石如堆阜背山臨河
老僧從竹蔭石苔中得一罇側足下周十圍地亂石倒
臨若垂戟橫出者稍平祀旃檀僅尺許跌坐其上偃僂
人又得一罇僅一席地老僧恰以蒲團據之余舟泊山
下攀巖而上偕遊人各書日月姓名去

黎公弁黃龍潭詩附深潭碧無底下有神龍臥鱗甲動
鯨波冷徹黃金鎖喘息水上吟韶濩聲相和回首碧潭
邊香霧隨風過

精劈



蒲圻縣志卷四

鄉里

劈精

北鄉劈精團距城二十里 釘銅山有新昇菴有享塘府志紅
 花林有大玉橋有港經紅綾橋入河有紅綾灘 龜坑塘經
 郎當湖出栗柴港有灘舊志楊家山有李朱港水出大雅湖故
 屬嘉魚

北




蒲圻縣志卷四

鄉里

精廟

二

馬 練栗柴港橋記附載邑之西北二十里有港口栗柴其流顛委蕩擊其涯旁廣而中淡涉者皆危之舊莫有能為之利者吾同年游公文瑞思以平易危圖之鄉人僉謂水急岍虛不可橋公意怏怏既遠遽然興曰心苟利物何沮乎夫岍水之險智者能濟繩橋之詠信也獨難于其細乎遂偕居鄰行觀于其畔進折數十步得其可橋之勝流緩而岸實蓋造物者之設是以需乎人也用是相與營治之庀厥材纍厥石鳩厥工計其費需金錢二十萬匝一歲而橋告成



蒲圻縣志卷四

鄉里

方橋

北鄉方橋圍距城三十里

黃岐山有菴下有琵琶洞

以洞門形

似有桃花菴在東山

往省捷徑施茶利濟之所

有青雲菴在洞中

通志洞在山腰

中架樓閣可登眺按洞如野雞坪有白衣菴在石關上

有

善慶寺在畢河

觀音寺

明嘉靖中僧虛利建萬歷十八年僧性覺重修順治十七年僧海濟

募穿巖洞有寺

通志作穿山洞洞橫山腹高數十丈石室朗然前後見日月按洞在丁卯山之西有前後

二門前門有小渠清澈如鏡中石壁高十餘丈上透天光石

筍倒垂形狀怪異左有小洞可俯而入右有浮石面平而中


空扣之其聲大而闕良久乃已巖之半腹各藏小洞後門高

闊倍於前門村聚環列居人往來取徑洞中因呼曰穿巖洞

旁建一寺亦白米塘在左有菱湖舊志有桃林廟有障山總志

在縣四十里嘉魚界形如屏障

北



蒲圻縣志卷四 鄉里

方橋

西

湖

南

北鄉安豐團距城三十里 有興西山東有西泉山產竹或
 曰竹山總志有洞有潭名勝志俗謂有石傘石甕通志有竹山寺故
 竹溪堂一統志竹溪書院宋建蘇軾書額詳古蹟按舊志寺為普菴祖師卓錫於此 它嶺有棗陽
 坪 大龍山有南泉寺明宏治中建上有觀音閣江家堂在
 東 有寂洞有洪口橋合赤岡水會高橋經銅橋逕揭家橋
 出三眼橋 天池菴在茂樹山西 有西林寺在縣北龍蟠山舊志有
 月山產虎刺 有石壁山有港經廊下橋出張王廟東 有
 社倉穀三百石

蒲圻縣志卷四

鄉里

安豐



豐安

北



蒲圻縣志卷四 鄉里 安豐

二

敖一瓚竹山洞記附蒲山北界自洪口一斷對面有峯
 高峙名竹山其洞口泉水清香怡人春夏水盛時大尾
 江魚出自洞中有石竅水漿結成橋門又有山腰一路
 破綻使天光漏入以照遊人入洞之路天工奇闢千百
 載徒委諸蔓草荒烟蘓東坡自武昌西山泝流到此入
 洞僅數武題游泉泝月四字而返東坡放情山水托悲
 憤於逍遙行雲過轍至今無可憑弔矣是歲中和之月
 復亭與山僧攀層崖升絕頂衡南湘北蒼茫在指顧間
 近俛山石如兕如虬如燕如鳳如仙掌如棊盤如城郭
 如樓臺百態牢籠令人不敢褻視洞水蜿蜒而下過安
 豐郭潭諸地滙澤入江去路俱分曉矣復亭更由洞門

眺其大源十數里至懋樹山有雲水滙焉竹山爲前洞
懋樹山爲後洞前洞去路泉水可以注江後洞來路江
水可以注泉浩渺山河天以一綫開竅蒲陽百里其有
四海噓吸之感乎江自岷觴而下至金山海門勢一小
束自海門到尾閭勢一大束延且千萬里只見去而不
見來逝者如斯徒深浩嘆廼竹山小口會通天地大觀
來而往往而來造物有何盡藏是又蘓子之所未探也
嘉慶丁卯書於西泉禪堂

黎公弁竹山洞詩附竹洞石門開吐霞光燦琅玕露
未乾新粉蒸紅汗仙翁坐紫苔屏帳如春暖羣鳥忽飛
來影行機錦斷

下坪

北



南

蒲圻縣志卷四

鄉里

坪下


北鄉坪下圍距城五十里 石壁山有蟠龍觀 三峯山在
 北門洞左有華嚴寺 有香爐山

蒲圻縣志卷四

鄉里

坪下

二



江池



蒲圻縣志卷四

鄉里 池江

北鄉池江圍距城八十里 有黃岐山明水洞在左有畢家

河有橋經大橋入西良湖 通志山左有明水洞其陰為石口為畢家河其下為西江嘉慶間邑

人章萬椿章太初修大橋修堤 福緣山有善慶寺 明嘉靖中道光八年章應璜復捐貲修橋 魏翼如建

西江畝有方山菴 黃霸山有祠 有打鹿嶺東北有伏虎

山 張仁齋墓 神山在西良湖上 通志蜿蜒如蛇盤踞湖上 上有張睢陽廟一曰

神山寺神山泉出 名勝志泉發源神山湖水環繞泉湧湖中其深莫測 雲應 前有龜山

埠頭有使君嘴 有卧虹橋在山疊湖 道光十年邑人章應韓修有堤 有江

施橋在小獅畝 來山有淨室菴 僧慈密建 有社倉穀六十石



蒲圻縣志卷四

鄉里

馬獅

北鄉馬獅團距城九十里

觀口山有鴨掌碁在西北

觀

山或曰道觀山故道院

通志

曹溪菴西有如來閣有牛頭山

總志以形名與馬首山對峙西良湖

長嶺有西竺菴在馬獅湖西南有彭家畝

伏虎山有唐平原將軍墓

將軍姓單名國良隨唐許遠守江淮城潰殉難家人得其屍於

江中歸葬

官橋界

西良湖

官橋

官橋

官橋

萬家嶺

官橋

官橋

西

山灌下

山灌上

石埠鴨

山虎

口灌

池界

蒲圻縣志卷四

鄉里

馬獅

二

連郭



蒲圻縣志卷四

鄉里 郭連

北鄉郭連團距城七十里 渡頭嘴有岳臺寺有南海畝
 御屏山有郭家潭上有皮鞋山 黃子澄墓在此 聚信庵在柏林阪中
 有蓮塘菴有橋經鐘鳴橋出田家橋有鴨兒塘有上寶寺
 平頂山在西北
 社倉穀一百六十石

官橋界



福田



石鐘

中壩

新壩



大壩

山後

界

西

口

馬橋界

清坑縣志卷四

鄉里 郭連

官橋



蒲圻縣志卷四

鄉里

官橋

北鄉官橋團距城七十里 西良湖故蒲圻湖一統志以湖多生蒲草因
 名按湖發源咸寧峻水流及白泉梓潭諸溪匯西江山門石
 口大橋丁家漆郭家潭諸水合流於湖中有浮臺洲鳥石泉
 其南岸為衙門嘴即縣舊治又逕流曰大灣 東有鳳凰橋
 老阮騰徑坂東港池瓦割解倪家灣羅德灣
 烏石嘴在衙門嘴左又有小烏石在大灣南烏石泉出 西
 有鷺峯山 有馬首山與牛首山相對 有海潮菴 有徐家橋 東
 港池有官橋有寺 有關聖廟 西良嘴有石徑港湖水所
 出經大港進寶嘴入江 有淨居里屬嘉魚



蒲圻縣志卷四

鄉里

官橋

二

國立中央圖書館藏

馬鄉里